



清江縣志卷之十四

人物三

○明劉永之

儒林

○張美和

儒林

○聶鉉

官業

○韋德顯

文苑

○龔伯和

官業

○鄒孟達

文苑

○陳公達

官業

○杜圻

儒林

○徐永錫

儒林

○王友仁

儒林

○蕭璠

儒林

○徐敬

官業

○張子定

官業

○嚴元

孝友

○熊昭

官業

○傅舟

文苑

○杜觀

文苑

○楊燦

官業

○黎慎

文苑

○黎恬

官業

○黎卓

第志

○裴侃

官業

○彭辨

孝友

○陳安

官業

○孫郁

官業

○劉翔

儒林

○完顏章

官業

○陳德雍

隱逸

○彭綱

官業

○孫治

官業

○熊正

官業

○龔紹搏

孝友

○黃繡

官業

○孫偉

官業

○孫佐

官業

○聶仕

官業

○劉初之人物

當補錄蕭

伯辰了傳查

江西通志有

蕭伯辰清江

人傳列在

人物張美和

之前兩節

志張志俱缺

而未載是遺漏也

蕭伯辰是永樂朝人當列於儒林
之前不當列於張美和之前
通志誤



○龔守愚官業 ○龔守約官業 蕭官業 質官業 ○敖英官業

○龔亨官業 ○張時官業 ○聶璜官業 ○王貴官業

○龔挺霄官業 ○蕭鳴邦官業 ○杜欽德官業 ○黃器重官業

○吳繼善士 ○彭良甫考友 ○黃明善考友 ○鄧恕官業

○王治官業 ○劉汝順官業 ○陳士選官業 ○曾廣翰考友

○程成譽考友 ○熊達官業 ○龔一鵬官業 ○彭惟享官業

○楊標官業 ○楊輦儒林 ○聶素貴儒林 ○徐雲程官業

○晏仕翹官業 ○蕭承命官業 ○蕭允儒官業 ○曾遷儒林

○程達官業

明

△劉永之字仲修家饒於貲既冠未知學過婦翁家新陰

儒林

府志列隱

逸侯恭

永之

練高者早有才譽永之友婿也翁異視高而庸眾人遇永之永之歸發憤就學寒暑晝夜不懈數年學大進尤長春秋與梁寅往復辨論經義寅投以書永之報曰日以春秋本旨序呈之左右及奉還示詞累數百言若有取於愚瞽之作而教其所弗逮然蒙罔之見有未盡白而明諭有不可不復者敢畧布之執事之言曰諸如或日或不日稱爵稱人名之字之王之稱天與否諸侯之列序與否大夫之登名與否皆因史之舊非聖人之意之所存執事所論度越老生宿師萬萬無疑其曰夫子言知我惟春秋罪我惟春秋知之者知其明王者之法也罪之者罪其彰亂逆之迹也夫春秋之為春秋明王

法彰亂逆誠聖人之旨然謂因魯史之文而筆之傳之修之完之使觀者有所勸沮王法由之而明亂逆由之而彰則可也若謂損益乎魯史而明之彰之則弗可夫聖人者豈盡異於人哉其德則聖人也其不幸而不得其位則猶夫人之子也時無明王誰知宗子待之者曰季孟之間則猶夫人之臣也猶夫人之臣子而私損益其國之信史明王法而彰亂逆無乃弗可乎今之與古遠矣而其理弗異也設使有一孔子生乎今之世立乎今之朝非君之命與其職守而取今之國史而損益焉予奪焉褒譏焉而公示之人其不為僂民者鮮矣聖人對陽貨則謹諾過宋而微服居其邦不非其大夫其自

稱曰述而不作信而好古夫豈以其聖而傲當世哉蓋方是時各國之史亦莫不有人焉其立辭也亦莫不有法焉趙穿之弑逆也書曰趙盾弑其君則晉史之良也崔杼之弑逆也太史死者三人卒書崔杼弑其君則齊史之良也之二國者有二良焉况於魯有秉禮之臣者乎是故法之謹嚴莫過於魯史其屬詞比事可以為訓莫過於魯史具當世之治亂盛衰可以上接乎詩書之跡莫過魯史是以聖人有取焉謹錄而傳焉以寓其傷周之志焉其知者曰是不得已焉耳其不知者曰是匹夫也而暴其君大夫之惡於天下後世故曰知我者將在是罪我者將在是亦聖人之謙詞云耳夫豈曰改周

制寓王法而託二百四十二年南面之權之謂哉其曰言之重辭之複必有大美惡焉此先儒之說也執事取之故曰首止之會盟葵邛之會盟皆再書焉是美之大而詳其辭也稷之會曰成宋亂劉單以王猛居於皇尹氏立子朝而先之以王室亂皆複言焉是惡之大而詳其辭也抑嘗考之蓋史策之實錄而其紀載之體異焉耳其凡有五有據其事之離合而書之者有重其終而錄其始者有重其始而錄其終者有承赴告之辭而書之者有非承赴告之辭聞而知之而書之者此五者其凡也而皆所以紀實也或會而盟盟而異日是會之與盟離而二事矣合而一事則同書離而二事則異書固

當然也夫首止之與葵邛也皆夏之會而秋之盟是離而爲二事矣故再書焉此據其事之離合而書之者也踐土之會美矣而盟不異書同日也平邛之會無美焉而盟則異書異日也皆實之紀也非美之大而詳其辭也將書其取鼎也於稷之會則始之以成宋亂此重其終而錄其始也既書曰宋灾伯姬卒也於澶淵之會則終之宋災故此重其始而錄其終也會未有言其故者於之二者而言之特以明其所重也他如書實來則先言州公如曹書齊侯伐北燕則遂書暨齊平皆是物也子朝之亂叔鞅至自京師而言之未知其孰是焉故曰王室亂此非承赴告之辭聞而知之而書之者也劉單

以王猛居於皇、則來告矣、敬王居翟泉、而尹氏立子朝、則來告矣、此承赴告之辭、而書之者也、他如程子之傳、例有曰、將卑師少、例書人、此承赴告者也、不知將帥名、氏多寡亦書人、此聞而知之者也、皆實之紀也、非惡之、大而詳其辭也、程子曰、春秋大義數十、炳如日星、乃易見也、其微辭隱義、時措得宜者、為難知也、夫所謂易見、則然矣、其曰隱微難知、果何謂哉、聖人將昭大辨於萬世、顧有隱微難知之義、是未免踏前儒之失也、僕之愚、不敢以為然也、雖然、程子之傳、有舍乎褒譏予奪而立言者、則非先儒之所及也、若胡康侯之學術正矣、其論議辨而嚴矣、其失則承乎前儒而甚之者也、朱子嘗曰、

有程子之易、可自為一書、謂其言理之精、而非經之本旨也、若胡氏之春秋、自為一書焉、可也、夫時有遠近、則史有詳畧、史有詳畧、則辭有同異、此甚易曉也、若自文以上、日食有不書日者、文以下、悉書日焉、自文以前、君行八十、書至者十七、文以後、君行九十、書至者六十四、是也、執事所謂隨時而觀經、此誠善也、而公羊子曰、所見異詞、所聞異詞、所傳聞異詞、何休曰、所見之世、其君父尤厚、故多微詞焉、所聞之世、思王父少殺、故諱亦少殺焉、所傳聞之世、思高曾又少殺、故弗之諱焉、甚乎其陋矣、陳傅良曰、隱桓莊閔、一書法也、僖文宣成、一書法也、襄昭定哀、一書法也、夫不曰史之有詳畧、而曰聖人

隨其時而異其書焉其賢於公羊何氏者幾希大較說者之失有三尊經之過也信傳之篤也不以詩書視春秋也其尊之也過則曰聖人之作也其信之也篤則曰其必有所受也其視之異乎詩書也則曰此見諸行事也此刑書也夫以為聖人之作而傳者有所受則宜其求之益詳而傳合之益鑿也以為見諸行事以為刑書則宜其言之益刻而煅鍊之益深也以為美則彊求諸辭曰此予也此褒也聖人之微辭也或曰聖人之變文也一說弗通焉又為一說以護之一論少窒焉又為一論以飾之使聖人若後世法吏深文而巧詆蔑乎寬厚之意此其失非細故也今僕之愚曰其文則魯史其義

則彰善而癉惡冀述而傳於後則以刪詩定書贊易同其狂僭而為傳也則直釋其義其善者曰如是而善其惡者曰如是而惡其區別凡例則主程子其綱領大意則主朱子其三傳則主左氏以杜預說時覈其繆妄諸家則無適主取其合者去其弗合者如是而已寅得書無以難也永之與劉崧萬石辛敬楊士宏周澣王佑及高為詩友文譽遠出高右兼工書法篆楷行草皆有師承輕於財貨施連郡縣已獨泊然布素日靜處一室以翰墨自適客至不具盛饌酒數行論文賦詩焚香鼓琴而已明太祖吳元年詔纂禮書永之與梁寅胡行簡等同徵至京師集禮成宋濂亟稱其文欲留之以耳聾辭

按山陰集卷

久無刻本乾

隆中邑黃生

錢時雍寄圓

收藏舊本校

錄成編付其

錫張錫猷以

特梓道光己

酉土羅塘氏

亨邑素清

兄弟借鈔錄

刻山陰集卷

得復傳於邑

中其板現存

櫻林

歸後以子奉獲罪籍其家奉死永之當徙萊州行至桃源病卒 曝書亭集

鄧志曰劉永之與墨莊異派舊志云其先許州人隨宋高宗南渡遂居清江父應奇仕元知歸州所居在縣城之北篤嗜書翰自號山陰道士所著詩文曰山陰集凡八卷門人章喆子愚何光彥謙編輯梁寅孟敬為序康熙初施閏章官湖西嘗重刊以行版藏劉氏子孫愚困斧以代薪其集遂不傳

張美和名九韶以字行元末累舉不仕與同郡梁寅曾魯齊名洪武三年以薦為本邑教諭十年召陞國子助教遷翰林院編修居官純誠質直最被知遇日侍燕閒

十三年四月致仕上親為文賜之曰朕觀古之賢士莫不修已行而為時君之用否則獨善其身以終天年或著書立言傳之永久雖不顯於當時有光於後世以其德重而行純學博而言信也今老成宿儒凋落無幾獨爾以衰暮之年日侍朕左右正欲詢問古今典禮以沃朕心奈何思鄉歸老卿之去也朕將誰從於戲千載一遇古今之通言然全於始終者罕矣今卿善始善終不亦美乎詞極眷注年八十三卒於家所著有理學類編八卷羣書備數十二卷及元史節要吾樂山房稿參用自志及秦志

鄧志曰龔守愚題張氏家藏敕書後有云庚午四

官業

月十日有翰林權編修之命與此所載年月不合
又按隆慶郡志載為新淦人非是又云聘同考會
試者二典省試者四得人最盛末年復與錢宰等
並徵較書書成賜衣被各一襲遣歸皆舊志不載
附識於此

△聶鉉字器之洪武四年進士為廣宗丞入境問父老曰
民疾苦何為劇對曰連歲旱蝗食乏役繁此為劇鉉嘆
曰民病而上不聞非事君也即以聞上遣使視之悉蠲
其稅入覲上洪武聖德詩南都賦授翰林待制乞老不
許遷典籍改國子助教與同邑張美和同賜歸十八年
召典會試欲畱用之乞便地自養令食廬陵教諭餼終
其身時稱成均三助教謂鉉與美和及嘉興貝瓊也
採自志

文苑

△韋德顯工於詩早孤家貧嘗至京詠重陽詩有曰人在
金臺即天上更於何處去登高詩家多愛惜之晚年瓶
無儲粟非其人乞詩不應秦志

△龔伯和名塤以字行洪武初仕宗人府經歷謫陽春知
縣引年賜冠帶歸府志

△官業
此位侯恭

文苑

△鄒孟達思賢鄉人洪武間徵辟至都授翰林典簿七年
夏帝以韻書比類失倫詔孟達與翰林院侍講學士樂
鳳韶宋濂待制王傑李叔允編修朱右趙堦朱廉典簿
瞿莊典籍孫蕢答祿與權等十一人重加刊定書成人

官業

賜鈔幣孟達旋致仕歸曝書亭集

△ 陳公達洪武初知餘姚廉謹慈愛不任威刑察民疾苦力與祛刷均田準役無不稱平云浙江名宦志

儒林

△ 杜圻字德基聘君本之孫幼有大志苦學砥行思紹述其祖業因名藏修之所曰思紹堂仰思俯讀一以先哲為師落筆動契成論士大夫遠器期之洪武中以薦授甌寧訓導轉温州府教授卒武夷志

儒林

△ 徐永錫字仲止得之九世孫早從外祖黎立武及草廬吳澄遊篤志問學洪武間以貢為郡教授卒秦志

儒林

△ 王友仁字仲義明程朱易傳兼工詩文為人端恪不怠於進取所居名思齊齋梁寅石門集

儒林

△ 蕭璠字德章世為閩家梁寅嘗假館其居璠從受業焉其為學務於本實親賢樂善志慮冲遠而兼通眾藝家蓄古琴三其最珍者曰寒泉時鼓杏壇之操有堂曰三友梁寅俱為之記同上

官業

△ 徐敬字敬仲洪武中以國子生授監察御史言事忤旨兩黜為令一謫戍邊尋擢春坊復出為太平守恤民隱興教化水旱禱輒應秩滿民懇留之詔加三品俸仍掌府事尋乞終養歸性喜寫墨梅為海內所珍重別號梅雪翁年八十二卒秦志

官業

△ 張子定理季子洪武間貢入太學授行人奉使西蜀公私無所擾蜀人贈以詩曰將軍檢點行囊物惟有連雲

孝友

棧道圖其清謹類如此秦志

嚴元字茂芳洪武庚午以書經魁鄉舉第三任永春縣

教諭閩中稱為安定先生擢典部曹乞休母孀居疾篤

所以身代祿人不私置義田迄今為利蹇吏部嘗嘉其

清節云著有悟中集書經奧義富春詩集秦志

熊昭字仲彰早歲入郡學從金守正受業洪武丙子以

明經舉於鄉授四川南溪教諭擢國子學正再遷監丞

前後三十餘年皆以教導為職學博才優身端行飭師

道尊嚴諸生敬憚之秩滿奏績屢以最聞省墓引歸賜

敕褒嘉鄉里榮之金幼孜文集

傅舟字子楫建文己卯舉人仕蘄州學正永樂中與修

五經四書性理大全林志

杜觀字公儼嘗痛其父早世作思嚴堂以示不忘廬陵

曾榮同郡金善俱有文記之永樂元年以春秋領鄉薦

任濟陽教諭太平府教授與修五經四書性理大全人

物志

楊燦永樂甲申進士改翰林院庶吉士入文淵閣預纂

述歷任監察御史立朝有風裁為時嚴憚府志

黎慎字克輝童子時為歌輒有奇語長從梁寅遊博通

羣籍落魄不羈工詩得大家體裁永樂初應明經召至

京授以職不就遂乞歸年四十二卒弟恬輯其遺稿梓

之府志

△

嚴元字茂芳洪武庚午以書經魁鄉舉第三任永春縣

△

教諭閩中稱為安定先生擢典部曹乞休母孀居疾篤

△

所以身代祿人不私置義田迄今為利蹇吏部嘗嘉其

△

清節云著有悟中集書經奧義富春詩集秦志

△

熊昭字仲彰早歲入郡學從金守正受業洪武丙子以

△

明經舉於鄉授四川南溪教諭擢國子學正再遷監丞

△

前後三十餘年皆以教導為職學博才優身端行飭師

△

道尊嚴諸生敬憚之秩滿奏績屢以最聞省墓引歸賜

△

敕褒嘉鄉里榮之金幼孜文集

△

傅舟字子楫建文己卯舉人仕蘄州學正永樂中與修

△

五經四書性理大全林志

△

杜觀字公儼嘗痛其父早世作思嚴堂以示不忘廬陵

△

曾榮同郡金善俱有文記之永樂元年以春秋領鄉薦

△

任濟陽教諭太平府教授與修五經四書性理大全人

△

楊燦永樂甲申進士改翰林院庶吉士入文淵閣預纂

△

述歷任監察御史立朝有風裁為時嚴憚府志

△

黎慎字克輝童子時為歌輒有奇語長從梁寅遊博通

△

羣籍落魄不羈工詩得大家體裁永樂初應明經召至

△

京授以職不就遂乞歸年四十二卒弟恬輯其遺稿梓

△

之府志

文苑

△

嚴元字茂芳洪武庚午以書經魁鄉舉第三任永春縣

文苑

△

教諭閩中稱為安定先生擢典部曹乞休母孀居疾篤

文苑

△

所以身代祿人不私置義田迄今為利蹇吏部嘗嘉其

文苑

△

清節云著有悟中集書經奧義富春詩集秦志

文苑

△

熊昭字仲彰早歲入郡學從金守正受業洪武丙子以

文苑

△

明經舉於鄉授四川南溪教諭擢國子學正再遷監丞

文苑

△

前後三十餘年皆以教導為職學博才優身端行飭師

文苑

△

道尊嚴諸生敬憚之秩滿奏績屢以最聞省墓引歸賜

文苑

△

敕褒嘉鄉里榮之金幼孜文集

文苑

△

傅舟字子楫建文己卯舉人仕蘄州學正永樂中與修

文苑

△

五經四書性理大全林志

文苑

△

杜觀字公儼嘗痛其父早世作思嚴堂以示不忘廬陵

文苑

△

曾榮同郡金善俱有文記之永樂元年以春秋領鄉薦

文苑

△

任濟陽教諭太平府教授與修五經四書性理大全人

文苑

△

楊燦永樂甲申進士改翰林院庶吉士入文淵閣預纂

文苑

△

述歷任監察御史立朝有風裁為時嚴憚府志

文苑

△

黎慎字克輝童子時為歌輒有奇語長從梁寅遊博通

文苑

△

羣籍落魄不羈工詩得大家體裁永樂初應明經召至

文苑

△

京授以職不就遂乞歸年四十二卒弟恬輯其遺稿梓

文苑

△

之府志

官業

△

嚴元字茂芳洪武庚午以書經魁鄉舉第三任永春縣

官業

△

教諭閩中稱為安定先生擢典部曹乞休母孀居疾篤

-5 29 45 117" data-label="Section-Header">

官業

-5 188 45 228" data-label="Text">

△

-5 242 45 832" data-label="Text">

所以身代祿人不私置義田迄今為利蹇吏部嘗嘉其

-45 29 55 117" data-label="Section-Header">

官業

-45 188 55 228" data-label="Text">

△

-45 242 55 832" data-label="Text">

清節云著有悟中集書經奧義富春詩集秦志

-85 29 95 117" data-label="Section-Header">

官業

-85 188 95 228" data-label="Text">

△

-85 242 95 932" data-label="Text">

熊昭字仲彰早歲入郡學從金守正受業洪武丙子以

-125 29 135 117" data-label="Section-Header">

官業

-125 188 135 228" data-label="Text">

△

-125 242 135 932" data-label="Text">

明經舉於鄉授四川南溪教諭擢國子學正再遷監丞

-165 29 175 117" data-label="Section-Header">

官業

-165 188 175 228" data-label="Text">

△

-165 242 175 932" data-label="Text">

前後三十餘年皆以教導為職學博才優身端行飭師

-205 29 215 117" data-label="Section-Header">

官業

-205 188 215 228" data-label="Text">

△

-205 242 215 632" data-label="Text">

道尊嚴諸生敬憚之秩滿奏績屢以最聞省墓引歸賜

-245 29 255 117" data-label="Section-Header">

官業

-245 188 255 228" data-label="Text">

△

-245 242 255 632" data-label="Text">

敕褒嘉鄉里榮之金幼孜文集

-285 29 295 117" data-label="Section-Header">

官業

-285 188 295 228" data-label="Text">

△

-285 242 295 932" data-label="Text">

傅舟字子楫建文己卯舉人仕蘄州學正永樂中與修

-325 29 335 117" data-label="Section-Header">

官業

-325 188 335 228" data-label="Text">

△

-325 242 335 562" data-label="Text">

五經四書性理大全林志

-365 29 375 117" data-label="Section-Header">

官業

-365 188 375 228" data-label="Text">

△

-365 242 375 932" data-label="Text">

杜觀字公儼嘗痛其父早世作思嚴堂以示不忘廬陵

-405 29 415 117" data-label="Section-Header">

官業

-405 188 415 228" data-label="Text">

△

-405 242 415 932" data-label="Text">

曾榮同郡金善俱有文記之永樂元年以春秋領鄉薦

-445 29 455 117" data-label="Section-Header">

官業

-445 188 455 228" data-label="Text">

△

-445 242 455 932" data-label="Text">

任濟陽教諭太平府教授與修五經四書性理大全人

-485 29 495 117" data-label="Section-Header">

官業

-485 188 495 228" data-label="Text">

△

-485 242 495 932" data-label="Text">

楊燦永樂甲申進士改翰林院庶吉士入文淵閣預纂

-525 29 535 117" data-label="Section-Header">

官業

-525 188 535 228" data-label="Text">

△

-525 242 535 832" data-label="Text">

述歷任監察御史立朝有風裁為時嚴憚府志

-565 29 575 117" data-label="Section-Header">

官業

-565 188 575 228" data-label="Text">

△

-565 242 575 932" data-label="Text">

黎慎字克輝童子時為歌輒有奇語長從梁寅遊博通

-605 29 615 117" data-label="Section-Header">

官業

-605 188 615 228" data-label="Text">

△

-605 242 615 932" data-label="Text">

羣籍落魄不羈工詩得大家體裁永樂初應明經召至

-645 29 655 117" data-label="Section-Header">

官業

-645 188 655 228" data-label="Text">

△

-645 242 655 932" data-label="Text">

京授以職不就遂乞歸年四十二卒弟恬輯其遺稿梓

-685 29 695 117" data-label="Section-Header">

官業

-685 188 695 228" data-label="Text">

△

-685 242 695 342" data-label="Text">

之府志

官業

△黎恬字潛輝天性孝友儀度端凝永樂十年進士授陝西道監察御史會求直言恬疏詆大臣不法權要側目出知交趾南靈州尋以楊士奇薦擢右春坊右諭德與修宣廟實錄進講經筵以展墓歸卒所著有觀過藁人物志

儒林

△黎卓版城人與弟志從梁寅遊寅甚器之為卓字崇瞻期其學底於欲罷不能志字崇望勗其學造於無遠不至卓於易尤精自顏講習之所曰復軒寅復為作記以暢其義寅既沒卓序其遺文梓以行世梁寅石門集增

官業

△裴侃字俊傑永樂辛卯舉人從梁石門遊教諭桂東歷國子助教三典省試人才多所造就嘗疏顏曾思孟父子人倫以正祀典又疏王府官僚考課以公勸懲皆有關於世教秦志

孝友

△彭辨字原明太平守徐敬之甥也入郡學為弟子親師取友修業不怠永樂中貢入太學除鹽城訓導端已課士甚有師範績最轉教諭辨性孝友兄弟七人友愛甚篤痛其父母早逝祿不遠養作永慕堂以示不忘詹事習嘉言為文記之習嘉言壽樂集

官業

△陳安字處善永樂辛丑二甲傳臚進士任禮部主事遷吏部文選司郎中以忤權璫出知濟南府有惠政門生有為臨江守者欲為更造其居辭不可著有東洲集秦志

官業

壽百歲

儒林

官業

△ 孫郁字勝文永樂間應貢入京以監胄與選風憲官御試高等除刑科給事中有古諫臣蹇諤風當直論囚奏讞疑獄數十人恤刑湖廣多平反上將北征當扈從以營寮友陳英喪失班坐謫桂陽州判在官雨暘應禱怪石倚江為險祈雷震之如響民爭立祠祀之陞雲南五井鹽課提舉致仕歸身無長物家貧督耕而食自號歸耕叟壽百歲卒 秦志

△ 劉翔字虛谷宣德己酉舉人衡山縣儒學教諭遷國子學錄景泰初上中興詩及神禹成功洪範九疇二雅請立宗廟以準古七廟制事下禮部議不果進翰林檢討英廟復辟憲皇登極再疏宜建七廟各具樂章郊祀視學慶成皆當作雅樂革元舊制上召至文淵閣命與大學士李賢議翔曰禮樂百年可興茲其時矣事竟寢成化間進儒林郎食六品俸致仕翔嘗著學庸章句總圖四書講義易書考詩春秋口義禮記說類稿奏疏總若干卷 秦志

△ 完顏章字美玉金之後景泰庚午舉人任雲南呈貢縣知縣新學宮造士猺獠積俗頓革服闋補英山縣奸黨高貴等每持官府短長悉捕之陞知崖州至則出株連者數十人死刑非罪者一人修禮教飭武備猺峒慕化占城國貢者每以私市擾民出令禁之既而其酋叛國以四千人來歸建議廩送還國在任八年乞歸章性清

洋江縣志 卷一四

十一系示 卷一四人物

十二

隱逸

南白 士四
按彭躬卷

名儒言行錄

序曰宋景

濂之七儒解

醇於退之後

起者為吳康

齋朝陳龍

潭老舍歸

源於景濂西

謂道德之

得深齋出

堅忍不出龍

潭偶与白沙

言易猶以為

康齋非愛并

則列之隱逸

固宜

△

白猿介而負經濟才故每處盤錯有聲秦志

陳德雍號龍潭老人潛心古學不求人知邑令聞其賢

欲見之不至後以祇役詣縣令見其名問之曰往役義

也往見不義令咨嗟稱善時以為有孔仲山之風康齋

吳與弼尤雅重之南海陳獻章嘗以周易疑義質於與

弼與弼曰過清江可叩龍潭老人獻章如其言來謁適

雨中荷笠犁田相見延至家對牀信宿辨析疑難獻章

歎服既去德雍謂其子曰康齋非知我者其介節如此

府志

官業

△

彭綱字性仁成化戊子解元乙未進士授兵部武選主

事遷員外郎上封事劾妖僧繼曉出知汝州鑿渠引水

灌田數千畝世為民利尚書白鉞記其事擢河南按察

司僉事陞雲南提學副使以公明稱家居以文行引掖

後進士多程式之所著有雲田集秦志

官業

△

孫治字五美成化辛丑進士知臨淮縣守已愛民興學

作士氣時權閹汪直陳廣以選妃責貢繼至所在需索

治持正不阿竟為所中改安東遂棄官歸祀臨淮名宦

家居二紀絕跡公門學使者聘較綱目號霜崖先生所

著有鳴春集府志

△

熊正字正已成化間貢升大學知永瀋縣旁邑富民有

毆殺一家三人者獄久不決事下永瀋按正核實獄具

官業

孝友

清江縣志

卷十四

△龔紹搏性孝父病篤藥弗效紹搏朝出拜禱於十廟暮歸剖股為羹以進父病即愈以壽終邑人稱孝子云秦志

官業

△黃繡字文卿宏治庚戌進士授兵部主事駐劄山海關儲兵飭備有裨邊政陞員外郎尋陞山東僉事兵備遼東歷副使參政督修闕里文廟宸濠之變王守仁舉勤王師聘至軍中計事疏捷上繡名詔賜銀幣生平剛耿有氣概遇事不回好稱人善年六十五卒府志參通志

官業

△孫偉字朝望宏治壬戌進士授南京工部主事陞郎中疏言時事十六條大要節財用罷無益費言甚剴切守鶴慶會土官高才怙勢煽亂偉索之急才計窮悔禍乃止解仕歸居家推引後學與郡守徐問廣咏以詩文名家所著有鷺沙集秦志

官業

△孫佐字朝相號南州與兄偉同舉於鄉登正德戊辰進士知建陽縣有聲刊布二程全書陞知賓州時八寨酋負固單騎馴服之屬監司構隙謫知浦江縣六年庭無畱事歷官太平知府直指使每以練達稱之有番僧奉差迎佛多不法械其黨送院其卓見不阿類如此卒官德慶州秦志

官業

△聶仕字本學正德丁卯舉人漳州府通判平海劇寇所獲金帛悉籍於官視郡篆反風滅火禱雨濟旱以父喪感疾卒漳人思其廉惠祀之秦志

△龔守愚字師顏號發軒郡城人正德辛未進士知貴池縣廉慎威惠劇寇劉六擾江上籌給芻餉民不知勞擢南工部營繕主事歷員外郎郎中會國家有大營作歎曰財力竭矣某職守得言之上疏乞停止不報遂引疾歸嘉靖改元起補南刑部郎中江北大祲命尚書席春往賑以守愚輔之出入餓殍疫癘中全活甚眾擢四川左參議遷辰沅兵備副使武職不律者悉裁以法調雲南提學副使外艱歸服除起提學陝西掄才公明崇尚行節士類激勵遷湖廣參政卒於官年四十九守愚簡靜寡嗜好家無餘貲垣屋不治為政以表章忠孝振揚風紀為先在貴池立忠臣祠祀建文死事臣黃觀在湖

南為典史青陽勝樹碑典學關中式雍孝子廬居艱力行古喪禮文章典勁尤邃性理之學所著有臨江先哲言行錄姓纂發軒文稿發軒筆記歐陽鐸集

鄧志曰舊志龔守愚傳錄自隆慶志而更加刪削殊為大畧茲據歐陽鐸所撰墓誌改撰其所著諸書今多不傳又龔氏譜乃隆慶間舊刻有龔守約宦蹟及撫按獎勵檄其人頗有足傳并為增傳

△龔守約字師曾守愚弟嘉靖間歲貢任廣西藤縣訓導訓士端嚴表節孝定喪制手纂藤縣志會藤令缺攝縣篆剔弊興利上官以為能將列薦實職以不任簿書力辭遷績溪諭德安府教授年六十餘乞歸守約為教官

書禮春秋

類疑
得石稿

官書

十餘載所至輒受臺獎至有規嚴體端士服民敬前此未聞之語居家三蒞賓筵學者稱省軒先生著有書禮春秋類疑得石稿今失傳家傳

蕭質正德鄉舉知遂昌省刑薄歛民有爭者諭而遣之時巡按使者至邑見獄中草長過膝深加歎賞浙江名宦志

官書

敖英字子發號東谷幼罹誣訟遨遊江湖閒苦志績學淹貫百家正德庚辰中會試辛巳授南工部主事遷禮部郎中督學陝西河南歷任藩臬有聲以四川右布政致仕自為督學力抗師道所至直行已志人不敢干以私與鄉守益羅洪先友善講學相資獎掖後進著綠雪亭心遠堂詩文等集名東谷十書後學傳播稱為名賢

秦志

官書

龔亨字有孚正德庚辰中式明年廷對授南刑部主事擢貴州僉事時蜀中番部攻剽轉掠黔中當事議撫亨曰番人無信不一創撫不可圖遂率眾深入賊竟蕩平備兵臨安邊交趾多盜擒渠魁六人斬其首邊境晏如內艱服除補廣東副使歷秦楚二藩擢巡撫河南歲饑檄所部發倉廩全活甚眾議減河夫積負幾萬緡會虜寇神木亨度賊且去餉無虛糜尋解官歸杜門謝客以文章自娛年八十五卒自為志狀秦志參通志

官書

張時字用中博綜羣籍歷試不舉嘉靖中以歲貢謁選

為歸州訓導課士有方歷蘇州府教授引年歸 心遠堂集

官業

官業

辛酉是嘉

靖四十年

流寇至永

市是時倭

寇毒聞廣

閩廣惡少

乘勢煽亂

流劫旁郡

邑臨之梓

樹永泰殘

掠殆甚六

月寇淦城

江九月後

寇清以之

洋湖洋見

武備門中

兵制議

聶璜字鳴卿正德丙子舉人授常德通判監司愛其才

事有大且難者檄使佐治再補黃州平寇羅田有奇功

陞順德同知三月致仕家居周貧贍族置義田立家約

冠婚喪祭悉遵古禮郡中稱為長者年七十卒 秦志

王貴字道克嘉靖壬午舉人師事王守仁湛若水官潮

州府同知祛罷訟擒劇賊陞南刑部主事以善讞稱轉

鹽運司同知條鹽政時宜商竈賴之尋致仕辛酉流寇

至永市眾議焚城外民居持不可曰脫賊未渡江不先

為民災乎賊果退居嘗善酌論今古訂定典禮性剛直

不阿有贈方辨祠堂議序卦傳測疾疾稿金陵稿山東

鹽法志孫世泰舉人 秦志

龔挺霄字夢之領嘉靖乙酉鄉薦知永康縣鋤悍振弱

民大勸調知羅源羅源山箐峭深畚獠出沒挺霄宣布

威惠擇其渠四人為長使約束獠眾一邑晏然時議割

羅源改隸福寧挺霄力陳不可遂止會疾作引歸數月

卒年五十八挺霄負才俊敏不事逢迎屢踣屢奮以寒

泉自號又嘗夢陶靖節號夢陶子所著有夢陶集藏於

家 楊暈撰誌 夢陶集當入經籍志

蕭鳴邦字子和號東江嘉靖戊子舉人任東昌府通判

陞開封府同知皆督河務會九廟工起荆蜀大材阻於

冰議俟春和以濟詔從之逆寇師尚詔擾河南奉檄守大康身冒矢石四日夜殺賊首力完危城遷工部郎中筦課清稅省水衡錢各萬計轉雲南僉事平武定土酋之亂晉階致仕大康祀名宦子允儒別有傳孫廷珖舉人秦志

宦業

杜欽德字子敬嘉靖戊子舉人中式後恥事干謁從呂涇野黃久庵講學金陵奔父喪哀毀致疾任兩淮鹽運判建五港開復安東舊屯商竈稱便擢知雅州府時人才素乏加意振作茶商苦天全六番為暴約招討司嚴番禁歲饑民賴賑活者眾立祠祀焉著南雍會紀寓台稿梅江集秦志

宦業

黃器重字懋仁號舉齋東里人由選貢中嘉靖庚子南京鄉試任四川忠州知州時有採辦大木之役民為騷動器重經理有法事集而民不勞忠人咸感頌之採四

川通志補

張志

黃器重秦志鄧志俱於選舉門舉人下注知州

二字今考四川通志載入名宦傳但黃譌為董清

江譌為靖江又考江南通志明嘉靖時靖江無所

謂董器重者據東里黃姓送到族譜器重中嘉靖

年舉人與原志合任忠州知州與川志合猶恐一

家私譜未足徵信復檢閱新淦明山西巡撫朱孟

震所撰秉器集內載其妻黃氏行狀云氏生嘉靖

善士

梅花百詠

戊申父忠州知州諱器重世為清江東里人又云器重採大木西陽山中時歷四年等語參觀諸說黃董清靖其為魯魚亥豕之誤明白無疑川志既列入名宦清江自宜為之校正補入人物

△吳繼字攸紹性倜儻樂施周恤鄉鄰貧厄者以萬計善屬文隱居不仕著有梅花百咏行世禮部侍郎王景重其行誼於歿後製文勒石以表之孫山順治庚子舉人

府志

孝友

△彭良甫姜璜里人父珩遊荆襄客死遺腹生良甫母任氏守志孀居良甫年十五往襄陽訪父遺骸既得柩載舟中夜夢珩覺而想像焉寫其容置柩上朝夕瞻拜歸

母見之絕肖因哀泣暈仆地鄉人美其事咸詠歌之遊官餘談

孝友

△黃明善性醇恪早孤能自得師歷覽西銘或問伊雒淵源有妙悟即心維手記不置於詩易會其大旨嘗以三禮疑義往質新喻符觀盡聞所未聞屢空晏如不干仕進與孤姪雅情以篤孝稱於宗祠時祭制為品式雖蔬羹必獻至今以為楷式云秦志

官業

△鄧恕嘉靖間貢於大學任廣東遂溪知縣課最調福建武平縣終任不攜妻子蔬食菜羹以儉約為士民倡門無苞苴庭無寬滯竟落職去卒祀武平名宦秦志

官業

△王治字原道號東泉嘉靖甲午舉人知績溪縣邑衝疲

官業

乃汰冗刷稅以賑民窮六年報滿獄疫熾當道疑其峻刑論之遂拂衣歸賦詩云匹馬春風二月餘蕭蕭行李數肩書問渠抗疏金門者識我歸時景象無林居二十年不替編摩求文者日盈於座秦志

△劉汝順嘉靖鄉舉知黎平府奉法循理苗民初不知學汝順請於學使拔其秀者爲弟子員以獎勵之五開衛軍糾衆跳梁自以爲別屬不可治汝順密陳其不法狀盡按治之郡中乃平府稱軍民始此貴州名宦志

鄧志曰劉汝順舊志無傳通志採貴州名宦志僅錄黎平政蹟他未及詳今考汝順由舉人授常德推官六載庭無畱牘有理刑錄遷德安府同知興屯政省徭役治軍旅弭盜安民修城築隄去之日士民爲立節愛亭轉福建鹽運同知議鹽政因革十八條商竈稱便有商人餉酒啟罌乃白金也立還之會倭寇熾以汝順參軍事寇平敘功以副使需次內艱歸隆慶元年服闋赴部無有以前功言者或謂汝順當自白之汝順曰古人讓賢讓能今乃自言功而求美官耶遂仍補山東運同擢黎平知府靖苗變平廟妖萬歷二年擢四川副使卽乞休歸里居二十餘年卒年八十二子鉞由選貢任霸州同知南京西城兵馬指揮一時豪猾斂跡有鐵面指揮之稱

國朝康熙五十一年其裔孫瑛徵既貴仕白諸當道遂以汝順鉞及汝順之父源三世並祀鄉賢細核請祀文案汝順平生卓卓可傳不愧鄉賢之目故節錄其事紀於此而源與鉞無可傳事實為紀其名於傳後云

官業

▲ 陳士選字用之嘉靖甲午舉人知浦江縣興學賑饑民德之鄉有土田不均議丈者格於勢豪獨力行之竟以是忤權要去補靈壽縣條馬政利病雪冤滯會當道取狐皮千計鄰且有饋線裏費者士選獨否改廬州府教授家貧不能構一室所至以清節著 秦志

孝友

▲ 曾廣翰以歲貢授岑溪知縣搖撞相率歸化服闋補大埔縣清逋負追回各縣侵田以千計通判廣州府督餉平蠻有功加授同知進階致仕孝事繼母友季弟辭官田為褒忠祠祭祀子仕通判孫遷隆慶庚午舉人曾孫曰琥恩貢生 秦志

孝友

▲ 程成譽以歲貢任金華府訓導南陽縣教諭致仕性至孝讓產庶弟捐貲創宗祠置祭田以睦族其課士亦以孝友為先治家嚴肅子孫侍立不敢越尺寸年八十四以子達貴贈知縣 秦志

官業

▲ 熊達字于漸嘉靖甲辰進士授刑部主事錄囚江南時稱敕使第一歷官廣東按察使廣寇張璉僭號達條陳兵食大計卒獲成功遷浙江布政使浙方多事帑藏空

詩經便曉
家約

虛乃剔貪冒、清逋負、籌畫有方、胡撫敗、眾慮客兵為變、
達大發芻粟犒之、反側以定、著有詩經便曉、家約、孫孟
瀉舉人、秦志

官書

▲

龔一鵬、號葛山、嘉靖癸卯、由選貢舉南闈鄉試、歷任陝
州知州、調晉寧知州、皆有惠政、外艱服闋、補荆門知州、
遷岷府右長史、致仕、一鵬學富才雄、志不可一世、穆宗
新立、嘗三疏請復古喪禮、又應詔陳四事、頗切時弊、識
者稱之、所著有葛山集、藏於家、家傳

葛山集

官書

▲

彭惟享、字子成、龜年之後、少有才譽、舉嘉靖丙午鄉試、
授嚴州推官、不事擊斷、每論囚、輒反覆以求其生、辛酉、
為書經同考官、柄臣有所私、不應、秩滿、遷宣國同知、尋
擢南兵部職方郎、金陵多隙地、為盜藪、設法巡禦、悉中
機宜、後人遵行之、以勞疾卒於官、子而珩、貴、贈奉政大
夫、秦志

官書

▲

楊標、字廷瞻、嘉靖丙辰進士、授行人、遷御史、疏陳八事、
按廣東、疏覈吏治、詰戎兵、平海寇、許瑞、中官陳洪、思冒
邊功、蔭龔、論沮之、臺中稱真御史、累遷應天府丞、痛裁
劇役、以失儀外補、轉浙江副使、值營兵亂、縛督府、即單
騎詣營底定之、改廣東參議、平緇黨、劉青山之亂、卒官
雲南參政、平生砥礪名節、居官凜風裁、為時嚴憚、秦志

儒林

▲

楊暉、以貢生授福建平海衛學訓導、永嘉縣教諭、澧州
學正、吉府教授、致仕、器宇莊嚴、言動必倣古人、親歿、作

清江縣志 卷十四
噬臍錄以志思環堵蕭然尤辨義利取予著有四書讀法五經辨疑道德經注讀律舉隅學者稱為楊夫子澧州祀於名宦府志

▲聶素貴大觀橋人少贅新淦姊家李氏遂從其姓穎異英敏孝友性成髫年為郡諸生不規規舉子業讀陳獻章白沙集至為學須從靜中養出端倪方有商量處歎曰入道之方其在是乎往師羅洪先洪先深器其才學示以主敬為入門遂深理學以歲貢授大倉州訓導勸實踐戒浮靡士心悅服遷六合論攝縣篆清介多善政尤加意文教躬自訓迪士受漸摩多以學顯歸乃復姓聶云子尚恆別有傳採新淦志補

▲徐雲程字允登嘉靖乙丑二甲第一進士授禮部主事隆慶改元大禮多出裁定出為河南僉事歷浙江按察使築麗水隄貽民永利解散金衢礦徒浙東賴以安堵新鄭寵姬家怙勢杖斃之有賈江陵私第簾幙者革其乘傳不為勢權少撓繼以鋤大奸持法忤直指被論遂畱養不出家居十五年卒之日圖史蕭然而已子任之位之俱歲貢生府志

▲晏仕翹字應望嘉靖進士松江府推官時華亭徐階為首輔有司過其門者輒下車仕翹持不可時論譴之陞刑部主事改御史有薛運使者恃江陵嬖黨貪橫疏劾之坐忤出為郡尋謫滁州判官陞知大倉州卒參採人

△蕭承命字性甫，絲臬司掾。嘉靖四十四年任廣東東莞縣典史。方五月，惠寇流劫村落，會迫城，承命督兵拒敵，直抵七都山下，血戰賊多兵寡，與百戶王詵死之。月餘始得殮其骨以歸，旅櫬蕭然，軍門吳都御史義而憫之，上其事。參探安志

△蕭允儒字宗魯，鳴邦子，嗜學工古文辭。隆慶丁卯舉於鄉，歷上春官不第，晚乃謁選，除黃陂知縣。以經術飭吏治，繕修城池學校，嚴緝捕，均賦稅，豪猾不得為奸。黃陂民好訟，允儒反復勸諭，獄牒日減，民大化之。歲旱，自為文齋沐，徧禱諸祠壇，忽沛甘霖，民稱曰蕭公雨。績最待

遷秩引疾歸，所著有自得堂集十五卷。自得堂集序

△曾遷字安宇，廣翰孫也。隆慶庚午舉人，幼穎異，七歲即工詩文，博洽羣書，潛心理學，毅然以濂洛為師。歲荒，歉置義倉以恤貧乏，學者宗之，稱為章山先生。著近市居集，卒年三十二。以子曰琥貴，贈通判。孫光祖，池州同知。寅副使，曰琥寅，別有傳。府志

△程達字順甫，萬歷丁丑進士，授崑山知縣。莊家區有田千頃，民困逋額，率他徙，即履畝相蓄洩，築隄二百餘里，遂稱樂土。號程公隄，再調仁和，釐弊清耗，擢監察御史，巡按廣東，首疏中官張鯨負寵不法狀，次疏外戚鄭氏冒領度支錢至二萬緡，宜杜芽塞萌，疏上，直聲動中外。

以忌出知泉州府擒倭有功遷汀漳兵備副使有宦者
擾民申煎金取馬之禁尋擢按察使貪墨望風解綬歷
浙江右布政使貴州左布政使加太僕卿致仕所著有
警語類抄府志

清江縣志卷之十五

人物四

- 明錢天挺官書
- 蕭以裕官書
- 彭而珩官書
- 聶尙恆官書
- 黃之俊官書
- 彭官書
- 熊官書
- 錢官書
- 錢官書
- 郭官書
- 熊官書
- 錢官書
- 郭官書
- 祝耀祖官書
- 胡兆陽子舜芳等
- 黃蓋卿子履中
- 黎祖壽官書
- 錢應華官書
- 張叔鏜官書
- 錢簡兆官書
- 黃用中孝友
- 張壽祺官書
- 藍官書
- 易官書
- 威官書
- 會日琥官書
- 郭官書
- 裕忠義
- 楊廷麟忠義
- 鄒忠義
- 龔善選忠義
- 彭元祚官書
- 熊兆行官書
- 黃尙賓官書
- 黃尙寶介中忠義

明

楊定邦
傅官書
楊廷麟
黃介年
曾厚文
吳官書
六人忠義
新添
楊廷申
潘入忠義
二人

宦業

宦業

古文約要

宦業

宦業

清江縣志 卷一 五

△錢天挺字子松隆慶己巳恩貢初選邵武通判未任丁
內艱服闋補亳州同知監修高家堰又委濬黃河錄功
優敘賑濟定遠天長各縣泗壽和三州撫輯流移舉卓
異陞化州知州未任卒於亳亳人思之祀名宦秦志

△蕭以裕字守宏萬曆己卯舉人教諭松溪溧陽遷宜都
令沿江民以沙金爲生實貧困會開採令下中涓橫索
欲沒淘沙戶千家以裕力請於臺司得免秩滿遷惠州

同知署府篆有廉聲擢雲南廣西知府手創府志
創鶴麓書院以教士計平
江外東山二番邊患永息轉山東長蘆運使致仕所著

有善多堂集小學約鈔廣西府志古文約要等書秦志

△彭而珩字韞白幼孤事母至孝萬曆庚辰成進士爲汀

州推官決獄平恕署府篆有廉稱擢南臺御史交疏務
持大體爲民興便利巡視江南值戊子大祲吳民災疏
請捐賑復奏請江楚二省改折俱報可視屯政以贖錢
千金畱入社倉備賑轉海南副使以涉海未便將母改
福建副使尋乞終養歸著閩汀集白下吟南臺奏疏遺
稿子元祚進士秦志

△聶尙恆字惟貞父素貴潛心理學尙恆隨父任太倉訓
嘗師事王龍溪王荆石萬曆中以鄉薦爲廬陵諭時王
塘南講學青原喜曰一官敝屣耳家承理學得此殊快
人意遂益擴所聞擢知撫甯邑故臨邊尙恆悉力防禦
城賴以全革巡邊酒席卻貂客販參常例錢廉能著聞

清江縣志 卷一 五

終寧化知縣子九人皆補弟子員府志

醫學源流

活幼心法

醫學彙函

奇效醫術

鄧志曰尚恆精醫理著有醫學源流活幼心法醫

學彙函奇效醫術諸書行世其治寧化也日坐廳

事診視民疾立病式隨宜改注授以方鮮不瘳者

△

黃之俊字君籲萬歷戊戌進士知海鹽縣政尚清閒有

訟者輒自諭解之會海塘傾圮邑幾沼時歲儉帑虛之

俊清耗覈費躬自督築七閱月而告成丁內艱歸遂不

仕林居四十年不入城市所居濱湖植柳人以爲有陶

令之風府志

△

彭謨字襄明號丹颺樟樹鎮人萬歷壬辰以選貢入南

官業

監授四川新寧知縣新寧故疲邑前令十餘人皆以失

職去謨至問民疾苦悉以更新革里甲承應建豐積倉

創編縣志最聞擢龍安府同知蜀中歲督木貢扇汗者

乘耗蠹與工賈爭利當道以謨廉能舉屬之他屬疑獄

移俟覆治輒取平焉會建昌土酋叛以謨贊劉縉軍渡

瀘水踰曬經關凡再歲平之資謨籌畫爲多縉任氣忤

當道竟抑所上功狀謨亦僅遷楚府長史楚宗橫王莫

能制謨繩以禮無敢訛法者王益敬之令世子師事焉

兩臺交薦其才謂宜方面官適以外艱歸遂絕意仕進

年六十七卒謨居官廉毅有爲里居十八年不謁公府

甘貧篤學唯以訓迪後進爲務其卒幾無以殮云熊化

官業

△熊鏞字華卿萬曆壬辰進士授刑部主事恤刑山東著
讞疑錄陞員外郎會科臣有言倭事和議不便狀忤旨
下部鞫力為申救同官皆得罪鏞左遷南京大理評事
泰昌改元郵贈光祿寺丞 府志

善士

△錢暘英字寅谷少孤以孝聞壯歲始為諸生既而棄去
遊履遍南北負氣多奇畧善知人屢救人危險臨江通
判段豸督糧小費缺被軍人誣直指遽糾之下於理時
暘英丁糧運憤然曰廉吏也而若此持牒詣軍門慷慨
論辨遂得白豸反被上獎復涖職萬歷中知府錢若賡
居官得士民心以會勘江撫王宗載陷劉臺事執法無

所阿其黨深銜之嗾諸貴人撫其失無所得乃以其緝
盜鋤猾誣為酷吏劾寘重典暘英率士民羣訴兩臺司
道不為理乃具疏赴京伏闕奏訴觸嚴旨鞫主者中外
凜凜股慄暘英不為懾復上書閣臣為申救若賡始得
緩決繫南昌獄三十餘年家累栖客邸暘英內外周視
撫存其妻子二子靖忠敬忠從獄中受書及敬忠登第
若賡始釋歸父子詣暘英謝當是時暘英義聲聞遠近
先後官臨江者多式閭禮之御史汪泗論表其門曰真
義士以恩賜冠服三涖賓筵年九十九卒副使熊化為
誌墓 熊化撰誌

官業

△郭煒舉於鄉二十餘年萬曆辛丑始登進士第歷官員

外郎敦古力學居官著清聲崇正間入祀鄉賢祠



熊化字仲龍萬歷辛丑進士官行人以冊封使廣東四

川又賜一品服出使朝鮮所至爭購其詞翰嗣王餽遺

無所愛臨別獻名馬至山海關以書謝歸之後姜曰廣

使至朝鮮國人訊化起居有詩云慇懃寄語清江老白

髮相思又十年其為遠人頌服如此擢監察御史是時

朝政骯髒內惑權倖外倚債帥化上書慷慨言邊事乞

清占役強正兵修器械鍊火藥為制勝長策又疏論首

輔方從哲誤國不報時朝士以東西植黨門戶相傾軋

化獨踽踽無所附出為淮揚備兵副使即日拂衣歸臥

足不入城者二十餘年郡邑有大事咨而後行再起關

西川東參政皆以疾辭牘移凡數十上始得請致仕崇

正甲申燕京陷福藩保有金陵起大僕寺少卿未赴尋

從唐藩於閩中授吏部左侍郎崎嶇喪亂閒見事不可

為歸臥山陬常置腦子袋巾曰急則用此

大兵定江西或促化出謁當事化瞋目曰吾前朝舊御史

老且病矣安事折腰求活為援筆書絕命詞家人強護

之會當事促之急私服腦子不驗則給眾曰管仲魏徵

非傑士乎為我具輿我將往見眾稍懈脫身投後園池

中眾趨救不死因長跼請曰我志已定徒苦我耳遂閉

戶自經而絕時順治己丑五月十一日也化生有奇穎

家世儒而貧年十二始受書輒好古文辭父時貴故諸

君

清江縣志

極查舊志原文

靜儉堂集

生抑之曰制科安事此遲十年與汝化匿好之不廢嘗
讀左傳史記睥睨唐宋諸家謂不逮古遠甚與同郡楊
廷麟南昌熊明遇相劇切為古學久乃手校唐宋八家
之文謂出之左氏司馬而不肯因襲故其為文皆已出
言質而氣勁有靜儉堂集凡十卷化自序曰蘇氏有言
文視其氣吾則曰志至焉耳又語人曰持靜儉可以治
天下巡視節慎庫歲省金錢數萬屯田山陝權貴猾胥
皆不得為姦利而其家無餘財化死後桂藩諡曰文毅
施閏章愚山集

鄧志曰熊化所著靜儉堂集魏禧序稱二十卷內
序記五卷誌傳雜著四卷書啟三卷詩一卷奏疏

按
靜儉堂集
學書
藏本
新
鑿金
道
潤生
謀付
宦業

六卷公移一卷其為文正大曲暢無纖說信曲靡
麗之音而奏議為第一兵後亡其版子兆行購得
印本六冊禧為選而序之將謀諸梓人是此書經
再刊康熙間版再被燬徧訪迄無藏本為之悵然
祝耀祖字述卿萬歷丁未進士授崑山知縣清逋賦治
豪猾均役築隄為民永利擢工科給事中時廠庫久為
奄豎盤互窟穴靴料透支至七萬三千六百金東宮婚
禮隱商人納料至十萬四千金耀祖特糾田詔唐坤等
詭冒欺蔽又次第請罷中旨革內帑停大工清馬監撤
監稅巡視內庫以物積朽蠹乾沒百出請改折佐軍需
以省運費杜侵冒魏忠賢方管號殿求香燈錢二百金

峻拒之十六門軍器奄人估值額二十六萬耀祖以外官監造役不踰歲僅用三萬五千金告成事仍勒定一書設法和僱運至薊門邊防賴之又發白養粹姦狀而羣奄斲之刺骨思所以中之會邊警戒嚴耀祖巡視禁城揭榜於門嚴出入奄大譁持榜入告上諭曰巡視正宜爾姚宗文與熊廷弼交惡飛章互詆而廷弼方爲朝臣側目耀祖特請募兵萬人自將出關應援經畧謂事急旣用其人當屏雪猜嫌永圖共濟疏上奄監藉端騰蜚語中之出爲僉事竟拂衣歸天啟初廷臣薦復舊職中人矯旨尼之家居十年卒所著有工垣奏稿

鄧志曰舊志祝耀祖傳事多漏畧其所著工垣奏

稿有彭士望序見彭集中敘稱繙閱章疏爲之敘藏家乘是此稿初未授梓今其後人衰落訪其稿本亦久失傳僅據彭序所述別爲撰傳以補舊志之佚云

儒林



胡兆暘字旭海樟樹鎮人博學負異才爲諸生試於學使七冠其軍授經郡城中閣部楊廷麟幼時從受業焉江右知名士多與之遊萬歷中舉鄉闈中乙榜者再迄困躓早卒子舜芳舜英俱諸生力學敦尚行節舜芳字維虞讀書不爲章句學究心治世之畧嘗著爲十策見者比於古人兵事書屯田議以不爲時用輒取其稿焚之初廷麟執經兆暘之門舜芳兄弟與同學廷麟貴士

爭歸之、舜芳未嘗過其門、及廷麟抗節贛城、士歸之者皆以為諱、舜芳每歛歔謂客曰、我乃不及事楊公、年七十二卒、

△黃蓋卿字翊明、晚更號務白、崇學鄉人、萬曆壬子舉於鄉、試禮部不第、以母老、謁選龍泉教諭、獎拔多、一時聞人、郭維經、歐陽鉉、其尤著也、改衢州府推官、衢衝繁而俗險詖、吏因緣為奸、蓋卿釐剔宿弊、殆盡、上官以為能使數署府縣官印、擢知宿州、以將母弗起、閉門謝賓客、過從惟熊化、楊廷麟、國變、廷麟倡義、督師贛州、化閉關、閩海、蓋卿乃誓死、破產募兵、南應廷麟、題授監軍副使、會突騎數千來襲、諸募人皆烏合、不戰而潰、蓋卿僅身免、已而閩亡、贛城破、廷麟就義、化亦自經於家、蓋卿撫膺大慟曰、二公得死所矣、鬱鬱不得志、不食卒、子剛中、履中、俱諸生、履中以蓋卿命、崎嶇入粵中、事桂藩、授兵部車駕司主事、粵西潰、竄身蠻獠中、十餘年始歸、卒於家、

△黎祖壽字收溢、萬曆癸丑進士、謁選、乞閒、曹得應天教授、轉南雍助教、遷南刑部主事、力振風紀、他司有大賈犯法、倚貴家勢、彌縫不能按、請逮治如法、以外艱歸、服除、補北工部郎、時水衡金錢久為中貴窟穴、祖壽首治奸商猾吏、不稍假、會郊祀肇舉、諸費卒然倚辨、舖商營求中官、支領冒濫、祖壽條陳指切、遂為羣閹所持、幾不

免得降調歸尋遭內艱未幾楊左被逮人言危甚祖壽屹不為動崇正初起南吏部考功郎中主巳巳京察單車而南杜抑私倖特叅媚璫二十人進退嶽嶽人莫能奪竟以勞疾卒於官嘗輯兵志未就著詩文若干卷秦志

官業

▲ 錢應華字堅白北城人少為諸生尙氣善議論力强能挽滿石弓負其才每折侮同儕人目為狂生獨族父賜英異遇之取蘇軾留侯賈誼論示之曰子視此何如應華乃折節益邃於學登萬歷丙辰進士授上虞知縣民沈某被殺棄池中其妻告其仇某定讞待決經歲矣應華至閱獄疑之有諸易者數來覘察其色異急粹訊之

得與其妻姦殺狀一邑以為神又於縣境西北疏湖水築隄置閘漑出數千頃調知餘姚擒海寇二十七人置諸獄其渠結黨謀劫囚賂門卒為內應應華已覺之密部署伏城內外而更其門卒并擒寇魁數十人悉戮之以異績擢工部虞衡主事時逆璫煽禍未任請養歸撫訓子姪獎掖後進絕口不言時事居林下二十餘年崇正甲申聞國變不食卒年七十六康熙中學使高璜檄祀鄉賢曾櫻撰誌

官業

▲ 張叔鏜字振卿號見剛郡城人天啟乙丑進士授秀水知縣秀水繁劇囂悍難治叔鏜潔已勤職清蠹摘姦一時號為神君魏璫聞其名欲得以自重使人諷叔鏜往

敬亭看勝

稿

廣羣書備

數

見復齋集

清江縣志

卷一五

見卻謝再三遂忤其意降甯國府教授閉戶讀書日課諸生藝文著有敬亭看勝稿廣羣書備數見復齋集後瑞敗陞國子助教子壽祺別有傳府志

鄧志曰叔鏜為美和八世孫府志以叔鏜為新淦人考蕭允儒所撰張時用行狀其先由金田遷居清江後乃徙居新淦大洋洲嘉靖辛酉以闈廣流寇奉先人敕命仍居郡城時用為叔鏜祖而其父堯文兄弟雖仍新淦籍登第實由郡城發迹至叔鏜則居清江已歷三傳矣

官業

償誤賞

孝友

△錢簡兆字若臨天挺仲子工詩善書法以諸生補試吉安提學以其名冠一郡士羣噪提學出其文示之咸懾服天啟辛酉舉於鄉授臨川教諭課士多所成就尙書揭重熙方為諸生貧甚以積逋將被褫簡兆捐俸代償請留學卒業遂以五經連捷登第後簡兆卒重熙躬詣家泣奠致哀然後去歷官羅平知州有惠政以疾辭歸卒年五十八崇正間知縣秦鏞請於上祀鄉賢祠家傳
△黃用中字虞若東城人父立武以勇聞萬歷中三中武科終嶺北外衛將軍用中幼居母喪哀毀踰人侍父疾取溲惡嘗之撫諸弟猶子俱有恩為諸生行文喜稱理法學以正心為宗歲以毛詩教授執業者日以至有越賈遺橐金於其所竟逸去他日橐啟金見俟其返歸之越賈以其半為壽用中曰是且質我也委之去卒時楊

清江縣志

卷一五

十

廷麟誌其墓子尙賓尙寶別有傳

楊廷麟撰誌

張壽祺字介和號瑤碧與父叔鏗同登天啟進士授行人三奉使命力却餽遺擢廣西道御史巡按南直隸時溫體仁當國總兵張之斗湖州知府丁登明編修丁進者其私人也之斗妻逼妾自經以病故告登明僕毆平民反誣爲盜營官邱一貫承意旨執掠之壽祺俱如法按問崇正六年丁進爲南闈試官壽祺糾進私鬻經題忤體仁意嗾其黨誣以貪賕下理壽祺疏辨畧曰體仁與進恨臣入骨假名同邑同年之唐世濟朋計糾臣以行報復夫世濟生平無他伎倆唯解因人成事若體仁位居元宰存心媚嫉今盜滿中原不問何以蕩平天災人害屢屢見告不問何以弭天心釋聖憂其智慮精神惟用之報怨復仇所用者必其私人所斥者必其異己四海之內皆謂今之天下爲體仁所壞卽丁進一事不自返心內愧乃轉誣糾察者務以箝天下之口詎知公論在人必不可掩臣在南巡視甫三月其地之人未與臣習誰能卽以賄嘗况有案卷并其私札可據臣被逮之後體仁特以弟育仁爲南刑主事一以維持丁進關節之事一以便多坐臣贓令重加考掠全不聽臣辨語竊維朝廷設立言官原爲指奸逐佞臣言官也言官不言則溺職言則招禍臣不敢溺職不敢避禍仰乞聖聽將臣前後稿案封進則臣之寃自白至奸相體仁乞早

賜乾斷除此元寇臣雖與體仁同死其為宗社之福非淺鮮也疏上體仁抑之使不得達仍以去激上怒下壽

祺錦衣衛刑杖壽祺再疏申辨適體仁罷遂得釋歸年

六十三終於家 據家傳及疏稿

▲ 藍爵字廣祿行修好遜有默庵遺稿 秦志

▲ 易威字公烈好學隱居有新溪遺稿 秦志

鄧志曰藍爵易威不見府志惟舊志入隱逸傳今未詳時世其遺稿亦莫考茲仍舊志錄附於天崇

之交

▲ 曾曰琥字白卿崇正恩貢初任興國州判治漕有績陞

楚雄通判提舉黑鹽井擢敘州同知土司峒梗不法曰

琥諭誠申飭山峒革面向化時流賊犯川督師會剿以

軍功加川南僉事卒 府志

▲ 郭裕字謙貽崇正中以鄉薦知棗陽時楚氛甚惡兵寇

無寧日裕始至流寇已破襄陽游騎薄城下總兵官左

良玉屯近邑索餉橫甚裕單騎與良玉盟督戰賊遁去

壬午賊合兵八十萬復襲襄陽將至邑裕集精銳死守

賊知有備去十二月賊將劉福以兵萬人攻棗陽裕登

陣焚香再拜以死自誓士皆殊死戰殺傷賊眾七百人

福益募兵治火器盡銳攻之癸未元日城陷裕身被數

創猶麾將士曰死即死耳勿從賊也內舍十餘人皆死

次日福縛裕至闔賊營賊怒指裕曰不降當寸磔汝裕

默菴遺稿

新溪遺稿

官業

忠義

罵曰死也堂堂縣令豈從逆賊哉賊怒甚聚眾支解以死時裕以孤城抗賊經年以無援陷沒闔門盡義楚人哀之乾隆四十一年我

高宗純皇帝褒揚勝朝殉節諸臣裕 賜諡忠烈 張志據府志

忠義

△楊廷麟字伯祥崇正四年進士改庶吉士授編修勤學嗜古有聲館閣間與黃道周善十年冬皇太子將出閣克講官兼值經筵廷麟具疏讓道周不許明年二月帝御經筵問保舉考選何者為得人廷麟言保舉當嚴舉主如唐世濟王維章乃溫體仁王應熊所薦今二臣皆敗而舉主不問是連坐之法先不行於大臣欲收保舉效得乎帝為動色其冬京師戒嚴廷麟上疏劾兵部尚

書楊嗣昌言陛下有撻伐之志大臣無禦侮之才謀之不臧以國為戲嗣昌及薊遼總督吳阿衡內外扶同朋謀誤國與高起潛方一藻倡和款議武備頓忘以至於此今可憂在外者三在內者五督臣盧象昇以禍國責樞臣言之痛心夫南仲在內李綱無功潛善秉成宗澤殞命乞陛下赫然一怒明正向者主和之罪俾將士畏法無有二心召見大小諸臣咨以方畧諭象昇集諸路援師乘機撲滅不從中制此今日急務也時嗣昌意主和議冀紓外患而廷麟痛詆之嗣昌大恚詭薦廷麟知兵帝改廷麟兵部職方主事贊畫象昇軍象昇喜即令往真定轉餉濟師無何象昇戰死賈莊嗣昌意廷麟亦

死及聞其奉使在外則爲不擇者久之初張若麒沈迅官刑曹謀改兵部御史涂必泓沮之必泓廷麟同里也兩人疑疏出廷麟指因與嗣昌比而構廷麟會廷麟報軍中曲折嗣昌擬旨責以欺罔事平貶廷麟秩調之外黃道周獄起詞連廷麟當逮未至而道周已釋言者多薦廷麟十六年秋復受職方主事未赴都城失守廷麟慟哭募兵勤王福王立用御史祁彪佳薦召爲左庶子辭不就宗室朱統纘誣劾廷麟召健兒有不軌謀以姜曰廣爲內應王不問而廷麟所募兵亦散順治二年南都破江西諸郡惟贛州存唐王手書加廷麟吏部右侍郎劉同升國子祭酒同升自雩都至贛與廷麟謀大舉

乃偕巡撫李永茂集紳士於明倫堂勸輸兵餉九月

大兵屯太和副將徐必達戰敗廷麟同升乘虛復吉安臨江加兵部尙書兼東閣大學士賜劍便宜從事十月

大兵攻吉安必達戰敗赴水死會廣東援兵至

大兵退屯峽江已而萬元吉至贛十二月同升卒三年正月廷麟赴贛招嗣蠻張安等四營降之號龍武新軍廷麟聞王將出汀赴贛將往迎而以元吉代守吉安無何吉安復失元吉退保贛州四月

大兵逼城下廷麟遣使調廣西狼兵而身往雩都趣新軍張安來救五月望安戰梅林再敗退保雩都廷麟乃散其兵以六月入贛與元吉憑城守未幾援兵至圍暫解

此篇當全
鍾明史原
文不啻節
改傳後當

如按源而
以勝朝殉
節諸巨錄
中忠節之
益補載其
中不必悉

入明史原
傳內也
見如是
否有當
卷

清江縣志 卷一

已復合八月水師戰敗援師悉潰及汀州告變贛圍已
半年守陴者皆懈十月四日

大兵登城廷麟督戰久之力不支走西城投水死同守者
郭維經彭期生輩皆死乾隆四十一年我

高宗純皇帝褒揚勝朝殉節諸臣廷麟 賜諡忠節 明史

按廷麟為清江古今第一人守贛為廷麟生平第
一事明史敘次簡嚴體例固應如是而以一縣之
志紀蓋縣之人則義貴詳備當日彭士望身行
閒見聞真確其所撰廷麟私傳於守贛顛末頗能
發明正史所未盡為節錄於後以供參攷
節錄彭傳廷麟自被逮釋歸聲望震天下講學明

廷麟

宗書院中兼校射郡人士鮮有不及門者時中原
寇熾廷麟知世必亂益留意人才延攬豪俊雖筦
庫盜賊方術駟儉亦虛已下之食客常滿糧絕恆
乞貸以供或有以拔十得五諷之擇交者廷麟歎
曰果能以偽骨致真駿雖拔百得一足矣敢十五
望耶士聞之日益進癸未獻賊偏師入吉安省垣
大震臨江尤切近郡且空廷麟集紳士議死守罕
有應者獨與一二門生居城中賊亦尋解去甲申
移居會城五月聞國變與同官吉水劉同升及省
紳哭臨澹臺祠號慟幾絕議措餉南都新立陞廷
麟左中允左庶子廷麟不赴官而輔臣姜曰廣為

清江縣志 卷一 人物

廷麟庚午座師、初不附策立議、爲同官馬士英所持、或爲蜚語中麟、庇親弄兵、畱連省會、以遙應其師、並連同升、及其友彭士望等數人、士望促廷麟罷兵歸臨江、每書札輒自署兼山、蓋兼文疊二山、以自況也、乙酉五月、南都破、

大兵長驅入江西省、郡望風降、廷麟棄妻子、隻身走贛州、趣贛撫李永茂起兵、六月、同升亦至、相與痛哭歆盟、招集義師、爲戰守備、七月、唐王晉廷麟東閣大學士、禮部右侍郎、同江廣恢撫事、永茂同升各進官有差、八月、

大兵趨萬安界、遣檄招降、贛人惶惑、麟爲永茂畫策、命標帥徐必達率粵將陳課、童以振、吳玉簡等兵五千人持之、相及於龍泉、必達親督陣、顧金賞級、士大呼、殊死戰、殺千人、遂復吉安、然諸將中怯而氣特驕甚、揚帆次贛州、要求封爵、語不遜、永茂徒駭怒、莫能制、且慮

大兵乘其後、時廷麟強起、士望山中、甫及贛、知爲必達舊交、語永茂、使士望入、必達營、調和諸將、始復還吉安、扼江爲守、戰輒勝、吉舊帥胡長蔭始得坐鎮郡城、冬十月、廷麟上諸將功、徧加陞賞、並進廷麟武英殿大學士、太子少傅、兵部尙書、便宜行事、賜尙方劍、召詣行在、面對、再疏懇辭、不允、丙戌正

月以萬元吉爲贛督、兵部尙書。元吉至吉安，奉敕止廷麟入直，令專辦江楚事。先庚寅閒，元吉以謫遷爲督師楊嗣昌贊畫。嗣昌遇之厚，嗣昌歿，元吉疏稱鞠躬盡瘁，死而後已。其輔臣之謂攻嗣昌者，遂目元吉爲死黨。至形歌詩，比之爲中郎之歎。又黃道周詣戍，過匡廬，元吉往晤，語不合。道周晨駕去，元吉亦深啣之。以是益與廷麟忤。元吉將至，廷麟先戒幕屬，今義屬同袍，決不敢以宿憾僨公事。及見，相持泣拜，甚歡。得人比之爲郭子儀、李光弼。是月，御史陳蓋督滇兵三千至，器仗紀律精銳無比。廷麟閱之，喜動顏色，與蓋深相結，厚其渠帥，屢

戰克捷，而粵兵久畱思歸，忌滇兵功，欲私鬪誅其廷麟。移滇兵屯隔岸，知粵俗信鬼，以拜水爲重誓，與蓋並舟中流，冠帶盛服，端拱立舟次，爲文誓水神，令兩軍數萬人夾岸跪聽。麟再拜讀誓章，詞旨峻烈，意氣感愴，兩軍皆大呼稽首。自是更相救，如左右手。俄

大兵晨衝吳玉簡營，玉簡兵方飯。

大兵拔柵竟進，營大亂，必達聯營呼兵救之，倉猝不支，必達登舟自發，大銃不中，乃大呼赴江，死。陳童諸營一時大譟，殊死戰。傍午，滇兵歸自安福，由神

岡山迂路繞出。

大兵背偃旗截殺

大兵駭顧曰、滇兵至矣、遂奔潰、吉之守也、滇粵兵隔江列營、扼入贛孔道、長蔭擁重兵、城守犄角並援、大兵不得爭上游、長蔭故東海侯裔、志慷慨、亟圖恢復、募兵多、餉不能給、閉鬻富人官、足軍食、且不善事督府、元吉薄責之、蔭大憤、辭去、元吉移鎮入城、滇粵兵不滿二萬人、不可分城守、益弱、廷麟、元吉共議以步騎夾岸搜殺、中流用巨筏載大砲、直搗南昌、遂移前軍次吉水、廷麟、元吉尚畱郡城、

大兵果趨城下、乘虛躡之、廷麟疾棹小艇、乘漲下吉水、追前軍還、時南風勁、麟泣拜反風、諸軍飽帆兼

走一日抵郡與

大兵戰勝、諸將益驕、樹柵堅守、將以逸待勞、逗遛不進、三月、廷麟復移鎮贛南、盡以西事付元吉、已而大兵旁克永豐、滇師復恃功、以督府節制過嚴、多齟齬、兵志懈、軍氣益老、與

大兵戰不勝、元吉登陴堅守、四月、戰屢敗、遂失吉安、元吉退保贛州、先乙酉秋、益府永寧王招撫粵寇、閩總蕭陞等數萬人、轉戰湖東、屢挫

大兵、追至進賢、屯撫州、俟西師乘勝、迸力取南昌、及大兵克撫建、執永寧、廷麟慮

大兵從南路窺贛、顧西師新敗、不振、無可用、而粵寇

前四營眾數萬，蹂躪旁邑，無禦者。舊兵科都給事曾應遴建議招撫，麟亟稱善，命應遴次男傅燦與副將劉天馴分入四營，布恩信，招撫之。疏薦應遴爲兵部左侍郎兼右僉都御史，督理粵師。傅燦爲職方司主事，監其軍。薦士望爲分守湖東道，監軍以監紀。推官揚文琦等接運東餉，薦都督張琮掛先鋒將軍印，唐王可之。救四營爲龍武新營，授文武及新營領佐官各有差。廷麟鼓勵新附，趨寧都專事東方，行有日矣。五月，

大兵攻贛急，廷麟召諸將議曰：「贛爲閩粵門戶，贛失則大事危矣。」遂率新營及琮等水陸返援贛，與

大兵戰於隔江琮先出，斬數人，新營繼進。

大兵分騎橫截，矢發如雨，新營兵奔潰，獨琮率死士力戰得免。傅燦擁親隨數十人誓死扼茅店不去。新營潰兵稍合，廷麟招集散亡，僅能成軍。七月移雩都爲贛聲援，將整眾復進，而近雩百里內外新營縱掠淫無免者。土著諸大猾潛入營，教之要餉，挾官飾文具，鼓吹羽蓋，僭擬相君，坐飽野掠，竟不可制。廷麟恨慙，以計散之，令還粵。僅率所部數百人入贛城，爲死守計。元吉亦苦諸將兵驕悍，戰旣不勝，而粵兵飽掠如新營，因與廷麟以大義鼓勵居人，令結義勇，編社甲，人自爲戰，每開關，踴躍奮

進斬殺甚多。久之，雖婦人孺子，亦磨製制槌，有桓桓赴鬪之氣。廷麟元吉大喜，令諸文武分地乘城督兵，縋城出入，更番戰守，堅待援師。事聞，唐王特敕獎勵，賜郡名忠誠。九月，元吉趨弟職方六吉，調狼兵數萬，將次南安。聞水師羅亞夫敗，一夕潰去。滇粵兵亦漸解散。城中乏食，廷麟賦葢粥詩見志。兵科給事楊文薦、吏部員外龔芬並入，同效死。是月聞汀變，城中震駭，外援無一人至者，守陴皆饑困，不任鬪。冬十月四日，

大兵破城，自南門入。廷麟戎服帶刀，從一僕，行至清水塘，僕登樹望。

大兵且至，急報廷麟。廷麟騰入塘內，積屍漸平，因奮擠羣屍閒處，水漸深，展轉數刻而絕。元吉亦別赴水死。

大兵既克贛，三日，索廷麟屍，得之塘中，面如生，握拳張髯，氣凜凜不可犯。因設位與元吉合祭，藁葬南門外。一時同麟死者，麟族弟廷鴻、翰林院編修兼兵科給事萬發祥、太僕少卿守嶺北道彭期生、御史姚奇孕、主事黎遂球、周璉、黃肇基、錢謙亨、曾嗣宗、進士符邇中、贛縣令林全春、監紀楊文琦、黃尙寶、王其崑、王其隆、符述中、贛紳盧象觀、月世光、劉日全、標將陳烈、楊第四等。戊子，事聞於桂王，贈廷

麟新淦伯少傅謚文正予世蔭麟獨身倡義所至
因人招集烏合師無中權餉不給法難驟加進止
無一切之令徒以忠義感激人心在吉時徧拜士
卒請禁私掠勇公戰人樂爲用稍支歲月而
大兵善因綴以牽其師師不耐持久卒以此敗廷麟
無守贛責初與元吉交惡卒同死國難至今天下
稱之必曰楊萬如唐張許云

彭傳又云廷麟長子城早死次子璠僅七齡從繼
妻朱氏寄寓汀州汀破僕楊學縋城出之負奔數
百里以寄其門人甯都彭錕家甯都破錕殉難璠
爲兵掠士望贖之歸臨江娶少詹安福周鼎翰女

生二子三十年中俱死無後廷麟博究羣書篤愛

宋名臣言行錄爲文沉鬱灑灑鑿鑿經世務詩極
奇奧書法集淳化名手自成一家所著文盡散失

僅存兼山詩集十卷乙酉鈇畢藏門人金士升家

忠義

鄒瑄一名應璋字清臣號秋山博通經史書法瘦健有

神舉崇正庚午鄉試歷上春官不第甲申國變同楊廷

麟等舉義赴難明年江西失守廷麟趨贛州瑄與舉人

黃介中等提兵赴永豐爲贛聲援接戰廬嶺下相持數

晝夜外援不至敗走將入閩唐藩授兵部主事命輔贛

軍未至贛城已失閉道趨廣將就桂藩被執不屈死

龔善選字大生崇正庚午舉於鄉庚辰以特賜出身選

忠節著作
今已編輯
爲清江楊
忠節公遺
集計六本
兼山詩集
十卷山編
入其中矣

忠義

官業

安順推官安順固巖郡東西孔道一綫四面環夷奸人怒獸夙稱難治又往懼兵燹戶口凋殘善選至釐剔奸弊詳刑慎獄案無冤民恢復苗蠻令行法肅拯旱災救水患活民頗眾甲申奉詔行取禮科給事中未赴聞都城陷遂與楊廷麟同謀起義尋敗死軍中善選天懷峻朗自為孝廉時輒留心經世之務朝章國是人才進退錢穀兵刑覃精研求具得要領長沙胡伯玉謂其生平宗皈在晉陵海虞吉水諸賢閒又得姜燕及為之師楊機部為之友淵源既遠砥礪彌嚴卒能權於死生大義凜持名節以歸

家傳叅視祥齋集序

彭元祚字公錫號赤霞崇正甲戌進士任天台令性孝

友為人嚴毅不避權貴時縣有逆紳把持夫馬里甲差徭小民受累元祚抗節不阿棄官叩闕為民請命事聞下逆紳於理敕令復任

府志

官業

熊兆行字見可吏部侍郎化之子為人軀幹魁偉聲洪巨負氣畧幼橋捷多力嘗登危樓欄楯上行往來不墜年十七始折節讀書一歲通經義崇正乙未克拔貢生入國學試第一時父化以建議忤柄臣引歸兆行從之家居以邦國多難流賊內訌乃日習騎射思以身并牧圍既數年京師陷楊廷麟舉義贛州兆行從其父應唐藩徵入福州以資格知邵武縣時浙江不守邵武密邇西省羽檄交馳過師絡繹案牘山積兆行綜治裕如時

巡徼關隘以備非常邑東鄉民勇敢可用而縣丞某有幹畧因令持檄諭其豪以保甲寓軍政激以忠義未幾杉關失守延平鎮將宵遁潛師過邵武總兵袁某者繼至兆行就見留之袁曰師無鬪志軍無見糧其何能戰兆行厲聲色折矢與之期曰士死綏吏死職分也何敢以敵遺君父師但前令當操糧至以聽軍令袁爲感泣旋師兆行疾歸密語丞曰亟率東鄉兵至隘口爲伏俟敵半度橫擊其中堅可破而走也旣袁師甫行十里兆行單騎輦糧至一軍歡呼未及光澤十里與敵遇兆行親犯矢石接戰捷聞唐藩手救勞之曰熊兆行有膽有九奮不顧身克復危疆武臣豈不愧死擢職方司主事

仍理縣事當是時鄭氏恃援立功矯虔自恣化以侍郎言事不聽遂以病告就養邵武而

大兵破仙霞關從上游入福州唐藩奔延平兆行奉父閉道赴之途遇他盜兆行徒手與格僅以身免復返邵武邵武民涕泣擁輿轉致窮山中旣得歸踰年父化狗義當事索之亟兆行曰吾死晚矣復何憾已知其廉吏也事遂解因挈家屏跡深山養母以終其身

▲黃尙賓字嘉卿用中冢子十歲善屬文崇正己卯舉鄉試以策語犯朝貴置乙榜新例許貢大學試吏部當爲令假歸甲申國破從楊廷麟倡義贛州挈家寓雩都授兵部司務丙戌夏開關廣西命以興安知縣督狼兵援

贛至南雄而贛城破改知桂平調養利知州擢分守左江道副使駐潯州殘破之餘招撫流亡整練軍實甫半月市復貿遷野無橫掠遣兵五千設伏扼險人心稍定調銳卒五百運糧千石前迎桂藩請駐潯州當是時勢雖稍振而朝士多庸劣樹黨希進互相傾煽尚賓籌兵籌餉日夜焦憂積勞成疾累乞骸不許戊子春命以大僕卿副閣師晏日曙宣諭西江日曙致命於韶尚賓前及江西見事不支歸隱雩都山中已而走燕臺謁大學士王永吉永吉故爲饒州推官尚賓房薦師也諷尚賓曰當此時能救百姓卽不負生平以子之才何不可夷吾自許對曰尚賓已難自救安能援百姓耶適三韓蔡士英出撫江西求幕席於永吉乃謂尚賓曰子可藉手救江西且爲先人存舊臘也士英命二子從學再歲謝歸築室鹿江之上自稱虎溪樵者蓋尚賓故居在城東虎川亦不忘也年八十餘終子闕歲貢生

△黃尙寶未弱冠爲諸生受業兼山楊廷麟之門崇正十六年廷麟聞都城失守募兵勤王尙寶同族叔介中族兄長齡暨伯兄尙賓仲兄尙寶誓兵廬嶺以應之尋敗奔吉安

國朝順治三年從廷麟入贛州參佐幕事目不交睫者七越月

大兵臨城廷麟度力不支從容語尙寶曰我大臣義不可

生子書生也俱死無為蓋去諸尚寶日始欲以報國者報師今敢負耶贛城破廷麟死之尚寶分守南城方督贛士巷戰中又死年三十四時臨郡諸生同死者楊廷鴻曾應文其最著也而尚寶族叔孝廉介中以拜監軍赦復永豐宜黃二城亦戰死贛州云

謹按我

高宗純皇帝表揚勝朝殉節諸臣為曠古

盛典其中名位較微事迹少晦者多由各省通志採錄江西通志修自雍正年間時鄧志未修清江死事者無從編入故郭裕楊廷麟外如鄒瑄龔善選黃尚寶楊廷鴻曾應文黃介中諸人未得一體仰邀

尚不止此數

恩卹此以見志之所係為不輕也

右明人物鄧志增補三十九人內附傳五人更秦志三人又新補二人共一百四人

誌

查明補載

縣尉標
陳欽蘭
以上三人壽
民舊附
人物後

新添壽民三人
傅承祖
黎聲振
敖守詢

新添官業六任

楊懋恬
縣庭儀
楊鉅源
黃慶同
翁陽昌
黃良楮

新添官股三人

鄒上德
楊煜
葉用翰
新添文苑三
黃郁章
楊式坊
游北熊

清江縣志卷之十六

人物五

國朝劉子壯
儒林
蕭宏緒
文苑
祝應熊
弟應
金士升
陽逸

傅承資
官業
熊儼
官業
鄧苑
文苑
熊僕
官業

廖鼎新
忠義
錢天祉
子順
鄭嵩壽
弟嶽
李士載
文苑

熊頤
文苑
曾寅
官業
黎騫
儒林
唐治
孝友

楊鑣
官業
傅克生
官業
楊希魯
官業
劉琪徵
官業

楊增瑛
儒林
楊如沂
官業
高楊如源
官業
黃日洙
文苑
黃騶應
文苑
劉沂
文苑
謝天翼
官業

張天棟
儒林
楊錫紱
名臣
黃垣
官業
楊鑣
善士

黃華年
官業
陳光弼
官業
彭廷簡
文苑
楊曄
孝友

此另一楊鑣

以上忠義
の位

新添四位
美國補
余廣藻
楊世英
楊觀

黃思彰。
黃文。

以上三人張志附人物後孫嗣股

儒林

國朝

○陳章士 善士 官業 ○楊有涵 官業 ○楊錫綬 官業 ○黃岱宗 文苑

○黃世儀 官業 ○劉輔世 官業 ○楊映涵 孝友 官業 ○錢時雍 儒林

○楊壽楠 官業 ○楊殿梓 官業 ○楊懋珩 官業 ○楊世銳 官業

○朱光宇 官業 ○楊廣謨 文苑 ○呂之桂 子字 孝友 ○關敏文 文苑



劉子壯字克猶蛟湖人世有隱德子壯幼喪母父攜之客湖廣年弱冠遂以黃岡籍領崇正庚午鄉薦再上公車不第四方寇亂乃杜門不出家有別業聚書萬卷自天文河渠禮樂兵農無不精究以求實用已而獻賊入楚避居武昌旋移九江

國朝定鼎踰歲寇平乃北上中順治六年會試

廷對援證古今敷陳開國規模議論灑然以一甲第一名賜進士及第授翰林院修撰先是聊城傅以漸武進呂宮皆以廷對第一人相繼大拜子壯臚傳後導引出都人士爭屬目以太平宰相期之時進賢熊伯龍亦以是科由湖廣寓籍及第二人俱負文名數十年既科名伯仲海內並稱熊劉謂為一代景星慶雲云壬辰分校禮闈尋請告里居踰年卒年四十有四子壯學有根據為文融貫經史尤長於論古至性孝友德器安舒厚重松江周茂源稱其躬修瀟恪非忠孝之言不言絕不矜風騷以炫才新城王士正稱其制行不減古人而浙西俞長城謂子壯設天假之期則勝朝紀載一藝已足惜乎

文苑

未竟其用、蓋為海內所許如此、子壯卒時、子孫茂甫二歲、門人陸繡聞、持其遺稿、就選於宋實穎、為梓百首以傳、後孫茂為鄂州訓導、以其詩文請於督學、序而刻之、為配思堂文集八卷、詩集一卷、康熙五年、學使王日藻、湖西道施閏章、檄祀鄉賢祠、有崇祀錄、周茂源序、孫龍光劉克猶序、俞長城可儀堂小引、

△蕭宏緒、號餘庵、明山東運使、以裕子、為諸生、未弱冠、而三冠其軍、舉崇正乙卯鄉試、以時事交訐、遂無仕進意、優游林阿、擁書數千卷、閉戶研摩、老而不倦、尤工詩古文、每浮白長吟、冲和妍雅、絕無牢騷感激之氣、為人長身玉立、耿狷不輕與人接、惟熊兆行為內兄弟、隔江相距數十里、郵筒往來無虛日、以學問名、節相劇切、年近八十而終、

儒林

△祝應熊、字大占、明崇正壬午舉人、弟應鼇、字仲立、順治五年歲貢生、明給事中耀祖子、兄弟俱以文章氣誼相敦尚、時東南新造、岸獄多及善類、軍弁假按捕行斂掠、係累人婦女、要索重賂、應熊兄弟、曲為周旋、有宦室被禍、應熊被費致賄、全其家、完其妻孥於節、後其人分藩陳臬、應熊兄弟未嘗通一刺、亦終不以其事語人、惟與金士升、鄴嵩壽、熊兆行、父子、文酒往還、南昌彭士望、林時益、甯都魏禧兄弟、過清江、必造訪之、嵩壽嘗稱應熊、

渾金璞玉、醉人於春風中、應鼇方嚴嶽立、令人起敬、起

隱逸

畏以爲頗似二程子兄弟云

史畧

△金士升字初允少從兼山楊廷麟遊學問行誼爲兼山所重補邑廩生嘗有志於靖亂及聞兼山死節遂箬冠道服以下筮隱隆中鄴嵩壽云崇正末造闔郡文章伯語本血性行閒見筋骨宗楊維節者無慮十餘人貞士初允爲最所著有易經疏解史畧諸稿多散佚不傳年踰七十白甘貧窶以終後進知名之士大半出其門學者稱陽溪先生

周易內外傳

△張志士升所著史畧散佚無傳而周易內外傳爲其隣諸生楊嶸所藏近嶸孫諸生學烈奉嶸遺命請奉新吏部趙敬襄序而刻之使先正手澤不致全

灑其用心亦良善矣

儒官業

△傅承賚於順治十四年由歲貢任餘干教諭持己端方訓士以力敦實行毋務浮華貧生來謁必却其贄時稱承賚有師範饒州志

官業

△熊儼字碩公號畏齋幼嗜學志經世務西蜀蔡如蕙以翰林攝清江令拔冠童子試補諸生順治辛卯中鄉試第五名授瀏陽令樂易愷悌與民休息先是荒畝歸屯而稅籍如故前令既清理之仍徵舊額儼曰徵而未理後猶可理理而仍徵重爲民害因力請於上官更其籍民以大甦有流寓暴橫強孀婦而婚之者儼力懲之刁風以息瀏陽至今稱循吏云卒年六十五家傳

文苑

了草亭集

官業

綠天稿

忠義

△

鄧苑字博望順治辛卯舉於鄉選河西令愛民如子民懷之解組歸杜門謝請謁益務搜羅古籍旁及素問諸書醫理精貫著有一草亭集目科諸書尤工寫墨梅折枝疎葢妙絕一時士大夫多寶藏之年七十餘卒

△

熊僕字叔剡號匪莪晚號耐庵順治辛卯與兄儼同舉於鄉己亥進士任江都知縣勢戚賀永吉虐邑民徐小三執法繩治總督麻勒吉旌異之五閱月前官復任改山西壽陽知縣時吳逆煽亂兵馬供億百出力為調劑民使之丁內艱服闋補曲沃知縣救旱賑饑懲猾胥苟大鵬以逃案去職僕為人宵襟浩落姿神駿爽居鄉介靜四壁蕭然晏如也喜讀書至老手不釋卷著有綠天稿子時蕙時蘭時蘅皆力學紹其家聲

△

廖鼎新由歲貢為永豐今改名廣豐訓導耿直剛方勤於訓迪每集諸生勉之日功令尊程朱當思程朱之說非如講章僅教人作應試文也士子於聖賢言語不身體力行即文詞日工豈必言之親切有味耶葺年閱士習丕變多敦實行者康熙十三年四月耿逆告警廣信城守副將柯昇受偽檄挾標下兵日反奪城出由永豐入闖闖城劫掠時令丞屬官聞風奔竄有勸鼎新急避者鼎新曰避將焉往且吾平日所以教人者不將成誑語耶明倫堂吾死所耳朝服坐以俟賊蠡擁入命更服色鼎新直辭拒之且諭其反正賊笑曰迂儒真不曉事送來

行仁系一

卷一六人物

五

富貴乃不受鼎新厲聲叱責賊大怒刀斧交加詬罵不屈而死舉家悉殞焉 廣信志

善士

▲ 錢天祉字孝愧年十三補諸生從楊廷麟講學明宗書院廷麟赴國難傾千金餉軍旋挈家隱山莊順治丙戌歲大歉盡困粟二千石分賑近鄉獲免饑家既落力耕自食讀書外惟默坐檢攝身心遯跡不入城市三十餘年以終子順則字存拙少從父隱居父沒年逾壯始應郡邑試俱第一學使試與弟順恂亦俱以第一補郡縣學生順則猥介自守日或廢炊力學不輟署通判楊錫祐聞寓解比舍吟聲因微行覘之見案頭丹黃漢唐諸經疏大歎服分俸飲焉雍正五年舉孝友端方之士郡

文苑

學上其名以老固辭以歲貢年九十卒 家傳

▲ 鄧嵩壽字隆中弟嶽壽崇正壬午領鄉解知開縣兄弟並負文名嵩壽博極羣書嗜古敦行落落諸生中垂數十年晚以歲貢授鉛山訓導而終少為制舉文動程古法於書旨多所發明時艾南英主持文壇不輕許可人見嵩壽文亟稱之與黃尚賓金士升祝應熊善尤與魏禧兄弟遊以古學相切劘其古文詞根據經史馳騁論議波瀾壯闊而歸於醇雅稿多散佚宮保楊錫紱嘗得其遺藁數十篇為序而梓之以傳

鄧隆中古文遺稿

文苑

▲ 李士載字元確師貢生楊圓儀積學工文為諸生試輒冠其曹善書法多作黃庭小楷酒酣揮筆疾書每謂所

文苑

養及先生 著 有 夢 有 堂 詩 集 計 初 集 四 卷 二 集 四 卷 當 補 入 傳 中

夢有堂詩集

宦業

知日襟袖閒無酒痕墨迹便非名士其韻致瀟灑類此
曲沃令熊傑以文自豪每為傾倒云卒年七十餘

熊頤字養及幼通敏祖化以副使里居頤依之受書遂
潛心經史及唐宋八家之文專治古學研精河洛理數
隱處深山中 有終焉之志惟與南昌彭士望邑人黃尚
賓祝應齋友善以文章風節相敦勵康熙初寧都魏禧
遊清江聞頤名將訪之適頤從父兆行自山中出矯矯
持高節禧進以有用之學毋徒潔身自高時年四十矣
走翠微山從禧學稱弟子旋客遊四方諸節鎮書幣交
聘歷客壽州夏人任總戎黃燕贊幕府軍事多所贊畫
既以親老辭歸頤敏達多藝事好談諧滑稽故入世而

無忤初字養吉及從禧遊冠石林時益改之曰養及作
字說贈之晚居里中授徒講學務為誠樸靜重以訥夫
自署學者稱訥夫先生所著有夢有堂詩集八卷



曾寅字以人初名憲祖未弱冠補諸生秋試屢不舉益

博綜經籍文日有聲更今名舉順治庚子鄉試第一康
熙癸丑登進士選庶吉士授檢討轉山西道監察御史
遇事建白疏陳多俞行丙辰監試禮闈旋掌登聞院巡
視北城十八年出督河東鹽政時兵寇之後民多流亡
產鹽諸畦池多成淤澱圍塹潰壞逋課歲苦賠累寅至
招徠綏輯數月商民俱復業乃躬履各場相度形勢大
修隄塹築陂城三十餘里開新渠九里有奇初畦戶

稽古正學
內外篇
樵川紀事

儒林

引水率用斗斛、寅教民爲枯槁車、力不勞而灌輸、易所規置、悉爲百世之利、由是產鹽日倍、商課殷裕、改山西布政司糧驛、衆議分守、冀甯道清浮冒、革陋規、夙弊頓捐、所至延訪賢士、接見諸生、誠切誘進、建立書院、倡崇先儒、司馬光薛瑄之學、被獎許者、率知名於世、內艱服闋、補陝西甘山道副使、宣布威惠、邊人懷之、以老予告歸、寅精研理學、施閏章官湖西、講論多所契合、在京師從魏象樞、益究名理、又與范彪西相往復、其學不立宗旨、曾有宋諸儒而歸諸實用、嘗言持其志無暴其氣、爲主靜處事曲盡物情、爲格致所著有稽古正學內外編、樵川紀事詩集、年七十餘卒、祀鄉賢祠、甯堯采撰誌

鄧志曰、曾寅爲曾遷孫、世學相傳、藏書最富、子來元、字三錫、以歲貢官教諭、亦博學工文、有行誼、寅卒後數年來、元亦卒、寅門人甯堯采、知清江縣、始舉葬其父子、兩世喪、後人貧困、盡鬻其遺書、寅父子著撰、今遂片楮無傳、

△黎騫、字子鴻、號瀟雲、祖壽之子、淹通載籍、順治甲午、選拔貢生、康熙己未、

詔舉博學鴻儒、備顧問、著作之選、騫與李來泰、崔如岳、李澄中、高詠、並以都御史鞠珣薦、赴

御試、授翰林院檢討、與修明史者六年、時毛奇齡、朱彝尊、彭孫遹、喬萊、以同譜最相厚善、詩歌酬和、咸推重騫、甲子

假歸丁內艱居家敦質素益究心道學之原接人如和風煦物後學經其指授為文皆有法乙丑服闋將入都舟次豐城疾作卒所著玉堂集出其子洪景掇拾之遺今亦稍散失云

△唐治江西清江人僑居團江孝謹守禮言動退讓父尚儒亦以德稱年九十卒治苦塊未除隣家火起勢猖熾治盡出資裝募人出其父柩而人心駭亂一無應者或挽治出治曰父柩在此敢畏死乎歲久旱木性相應火皆自發頃刻千家皆盡治居絕無障蔽而歸然獨存當其急時撫柩呼曰兒在此父無恐燠炙伏棺棺上皆成血掌痕事聞有司旌其門

按唐治為太守王引楷從朱載颺霏屑集錄入志書未詳其何時人以霏屑集成於雍正初始編置於此引楷守臨江多善政博綜羣籍公餘手不釋卷茲志前十卷多出其裁定云

△楊鏞字次黃號遜峯少有雋才博學工詞翰曲沃令熊僕器之妻以女康熙辛酉以明經廷試第三人選新城訓導丁內艱服闋補泰和訓導持身清謹校藝專勤尤好周恤寒士庠生龍惠中苦志著述中年患癩熒獨無依鏞延致署齋廩膳之令卒所業惠中死併為序其稿以傳戊子引疾杜門讀書教子恥事干謁卒年六十一子如沂如源別有傳如渭歲貢生家傳

傅克生，字肇成，郭里人。父大道，為諸生，潛心性學。克生髫齡補弟子員，旋食餼，浮沈三十餘年。康熙甲子舉於鄉，明年成進士，授湖南瀘溪知縣。政最以母憂歸，服闋起知浙江武康縣，以振興文教為務，觀風課士，獎進如不及，催科減火耗，大反前弊。政察吏聽訟，弭盜安民，士民交頌之。壬午分校鄉闈，稱得人時。

聖祖南巡

至浙江，大吏以克生循良，上聞特賜額，清慎勤褒異之。旋擢戶部山東司主事，改禮部儀制司，致仕里居。足不履城市，鄉飲數請蒞賓筵，皆辭謝。克生家素窶，既早失怙，能自刻苦於學，入仕益冰蘖，自矢官部曹，未嘗挾名刺一謁。要津歸時，囊無餘物，惟購書數百卷而已。卒。

年七十六，學使魚鸞翔檄祀鄉賢祠。倪見龍撰墓志

楊希魯，字岫雲，號嗣起。康熙甲戌進士，選河間獻縣知縣，斷獄明敏，羣吏莫能欺。甲申乙酉歲大歉，請賑至再，仍發帑補益之，存活無算。內擢刑部主事，陞山東司員外郎、貴州司郎中，尚書武進趙申喬雅重其才，遇事疑難，非所司亦令協理焉。旋解職歸，希魯學有本原，分校北闈者三，得士最盛。居家接引後學，孳孳不倦。卒年七十四。陳守創撰誌文

劉琪徵，汝順元孫。康熙戊午舉於鄉，甲戌出熊伯龍門，成進士，任江南豐縣知縣。豐俗故僿野，琪徵為興教勸學，士翕然從之，以憂去。服闋補四川建始縣，治建始如

治豐最聞陞吏部文選司主事引疾歸卒年七十八子體義副榜體禮舉人孫錦亦舉人據本家送到撰傳補

△楊增瑛字英玉號涓村父文燾仗義疎財時明季歲歉民大饑文燾所居鄉獨多方拯救不令流徙佃其田者日久據不輸租即以已糧冊給之家計頓落增瑛以仲子任門戶方離亂未暇讀書亂定後尋繹舊學久不售康熙三十二年始見知於學使王綽補諸生自是試輒冠軍雍正丙午有

詔令天下舉孝廉方正學使沈以增瑛應力辭不行乃循例出歲貢子錫紱以是年成進士授考功司主事十年由御史外轉肇羅道迎養不許且遺書云廣東山海交匯

戢盜安民此養志事也乾隆元年錫紱陞署廣西布政使迎至署閱觀風卷所拔皆名士九年自湖南巡撫署歸年已七十九猶日為文課諸孫明年無疾卒增瑛少志聖賢之學安貧樂道若將終身中年子貴顯仍切戒子孫不可漸趨侈麗家世百口同居雍雍穆穆人以比江州陳氏云李紱撰墓誌

△楊如沂字肇濬號浴齋鑣長子也性沈慤寡言笑潛心經史康熙辛卯舉於鄉乾隆丁巳選四川德陽令愷悌和平民不忍欺德陽僻在西陲士為文鮮知法度者如沂立季試格每三閱月輒會多士於庭面課之併為別白瑕瑜手定甲乙文風以振已未丁丙艱歸尋卒年五

官業

清江縣志 卷十六 十八 謝天翼撰傳

△陳高字際雲號竹園家貧好學不倦康熙甲午登鄉薦初選陝西朝邑令聽訟明決獄無淹滯丁外艱服闋補貴州清谿令清谿當苗民猖獗後諸凡凋敝粹難振舉高至先葺城垣次修倉庫飾文廟改築先農壇又邑四面皆山慮其勢迫壓建魁星閣鐘鼓樓鎮峙其中役屢興而民不病嚴保甲以靖盜絕苞苴以防奸民無敢犯任滿引疾歸囊橐蕭然或哂其貧高曰我故貧士也卒年六十六墓誌

官業

△楊如源字巨山號遠亭鑣次子舉康熙甲午鄉書乾隆壬戌選山東齊河令為政簡易務積誠意動民民有兄弟以財訟者經前令讞斷不服如源召民諭之曰與汝費於官竄推有餘以厚骨肉且兄弟相尤雖得財何樂也民感悟不終訟去先是開徵田賦零星散戶不准合斛如源約三五十名或百名併斛之民稱便至詳請減稅以濟荒早倡義修學以興文教尤其卓卓者丙寅以革捕犯竊解任後以原官起用自以衰老仍引疾歸如源天資敏達幼與兄如沂侍父愛書輒能以已意通經旨晚益工吟咏兼畱心方脈卒年六十九家傳參鄧鍾岳齊河錢別序

文苑

△黃曰洙字聖墻號魯夫年十六即工文賦十九補諸生邑令石杰觀風拔冠多士雍正癸卯由拔貢生應廷

青工縣志 卷十六 人物

文苑

試歸杜門掃軌吟嘯永日無復四方志大守佟世虎魏
乾敷相繼禮延為郡義學山長郡人士經指授者多以
古文名於時初日洙學為古文得父庾樓家學庾樓師
事訥夫熊頤頤又易堂高第弟子曰洙文駸駸入古實
淵源有自也後負笈豫章走京畿閱歷名山大川與
周學健帥念祖張江諸先輩相切劘文益進而豫章院
長張損持特稱為曠世逸才云家傳

黃騶應名夢麟應禮部試以字行自署曰補室蓋卿四
世孫生而穎異稍長讀書喜漁獵聞隆中鄧嵩壽理東
鄉之緒言推尊歸有光由唐宋大家梯航龍門扶風確
有承藉於是一意秉經酌雅絕不為俗學榛蕪雍正丙

午舉於鄉數上春官不第先後羈京邸十餘載同學為
顯官者數十輩未嘗輕投一刺歸教諸子務以實行為
先騶應風神秀逸意思閒澹生平未嘗問及阿堵物卒
年八十有二子衡鎮舉人教諭岱宗華年別有傳黃垣
撰誌文

文苑

劉沂字景曾號筍坡雍正丙午舉人少聰穎工制藝屢
試前茅入豫章書院與楊錫紱張天棟同學相切劘晚
年授徒鄉塾端師範勵實學後進多所成就乾隆己巳
以截選知縣改教職需次未任卒年六十三子輔世別
有傳墓誌

謝天翼字鵬飛號欠庵家貧力學工詩文屢舉不第乾

謝鵬飛詩集

儒林

葯房遺稿

名臣

隆己巳以明經選與國訓導課士首躬行次文學士化

馬壬午以老乞歸瓶無儲粟篝燈吟咏恬如也天翼有

至性居家孝友交友以誠生平尤重節義司鐸興國時

嘗過虔州三修楊廷麟墓刻詩墓左紀其事楊漕帥錫

紱亟稱之并序其地謝鵬飛詩集以傳恭興國縣志并楊表志

張天棟號葯房宋文憲洽之裔也弱冠補諸生滇南王

思訓視學江右歲科兩試皆第一檄送豫章書院肄業

時國子司業魯主院事屢課冠其儕自是文名日

噪歸築室桑梓園苦志冥搜務為有體有用之學卒以

不遇賈志歿天棟事母孝雍正丙午有

詔令州縣各舉孝友端方之士學使者首以天棟應使三至

廬促行惓惓以母老為念上書力辭不就所著詩古時

文若干篇楊漕帥錫紱鏤版藏桑梓園名葯房遺稿

△楊錫紱字方來號蘭畹增瑛次子少為諸生即知名內

行篤修求自慊而已雍正二年舉於鄉五年成進士初

任吏部考功司主事明習條例老吏不能欺時高安大

學士朱軾攝部事最器之十年由御史出為廣東肇羅

道端已率屬一切請託皆不行肇境田多瀕海藉圍基

為外衛歲必親往相視修築完固終其任無水患乾隆

元年署廣西布政使條奏數事其二事言革職佐雜官

請免追編俸州縣官不得以土產獻上官五年土苗吳

金銀等寇亂與巡撫討平之明年九月授廣西巡撫貴

州土苗石金元縱焚永從縣治發兵合勦平其穴擒之
既而遷江土苗數百謀犯思恩府發兵往捕獲賊首李
彩文餘黨八十餘人於是嚴保甲法卹苗民之乏食者
俾得耕作民賴以安屬吏或以人侵饋諱其名曰長生
果怒却之尋以入告

上曰是不愧四知者矣八年入爲禮部侍郎明年補湖南巡
撫謂愚民不知水利數畝之塘往往佃爲田一遇旱多
成棄壤有司惟計田糧較重以改則升科爲勸墾之功
是圖近利而忘遠害也請勅各省督撫一切陂塘嚴禁
改墾

詔爲允行時湖南每歲採木有司至苗地凡有木悉籍記之

又賤買商木運至江南輒賣其贏餘奏請自後商木憑
牙行採買不得官爲交易其在苗地者州縣先訊明聽
苗民願賣者乃平其值運過辰關按驗乃行著爲例十
四年丁父憂歸十六年起爲刑部侍郎仍出撫湖南明
年丁母憂歸十九年冬起爲左都御史所奏對侃侃持
大體明年正月署吏部尙書二十一年冬出爲山東巡
撫二十一州縣被水奏請蠲貸有差糶常平米減價三
分之一以魚台土城低窪請移置高處絕後患明年授
漕運總督在任十二年每與河臣協謀河務以時蓄洩
俾漕運通達

帝嘉獎焉時旗丁多疲困加意撫卹運官不得以私求旗丁

感德建生祠於河上平居洞悉當世之務奏疏詳盡事理每下部多所施行治漕最久弊為之悉清

天子深倚重之故繼是任者每以遵舊章為

訓示所撰漕運全書署漕督黃登賢表上之垂為令性能淡

泊嗜學詩古文出入唐宋大家不苟命筆著太和堂詩

古文太和堂時藝節婦傳唐風蟋蟀官箴說等書二十

晉加三任於任年六十九卒於任年六十九

賜諡勤愨予祭葬皆如禮嘉慶五年入祀鄉賢子有涵編其

奏疏書檄詩古文辭為四知堂集共三十六卷參探

啟豐撰傳表日修撰墓誌

△黃垣字對藩號絜峯幼貧甚嗜讀書不問家人產經史

而外凡秦漢唐宋及有明諸大家文披覽殆盡類能別

其黑白雍正乙卯舉於鄉乾隆丙辰成進士制藝以五

家為宗同考官南溪吳初得垣文謂在文止大力開

文稿前後兩集官保尚書楊錫綬論其前集幽微刻摯

一語不肯寄人籬下後集渾透雄偉彷彿陳黃以為必

傳令鹽城六載濬河築隄立圃建倉勸農葺邑學修縣

志利賴甚溥鹽城民至今歌思之家傳

△楊鑣字文聯號雲崖孝友端恪敦尚古處精於醫病者

輒與之藥未嘗較直活人甚夥先世有贍學田補諸生

者輪主之久被私鬻鑣出貲贖回與族議曰貧儒利此

不免暗售皆以為祭用庶幾可久由是春秋享祀取給

節婦傳

唐凡蟋蟀

官箴說

四知堂集

官業

此另揚

鑣善士

焉乾隆壬午舉鄉飲賓以孫壽楠貴封編修累贈中憲大夫卒年八十一

△黃華年字西叔騶應子乾隆庚午舉人甲戌會試中乙科授宜春教諭秩滿保薦以知縣試用湖南署衡州通判未陽江華二縣江華民婦某歸母家扼項死荒郊母家以與夫夙反目牒壻故殺且成讞矣華年復閱疑之誦諸其處於流寓煙棚中得踪跡拘囚而密索其室婦素服銀簪在焉訊之知強姦狀壻寃始釋除知鄱縣鄱僻陋隣桂東桂東竄籍入鄱學過半華年聞於學使爲正其籍又躬爲鄱士指授文法士風由是振歲饑不俟報卽開倉平糶人危之華年曰吾以一官易萬民命於

心固安民愬其女爲妖厭約三日往勘已而告女無恙且述妖前夕別女避去曰黃令將治我華年爲朱書其門而返攝臨湘縣釐剔積弊殆盡調繁沅陵卒於官年六十一

劉世林撰墓誌

△陳光弼字佐臣乾隆丙子以歲貢授德興訓導典史某以私嫌誣諸生張士毅罪謀諸所厚教諭申詳學使下郡按狀光弼力辨之士毅得白一邑稱其能伸士氣引歸年八十六卒子映霽舉人

△彭廷簡字上拔郡城人伯祖璋歲貢生嘗從施閏章講學存恤楊廷麟後人以女妻其孫繼祖廷簡暮歲而孤祖母楊母劉兩世守義鞠之幼慧十歲自知屬文成童

孝友

為諸生、歷試經義及詩賦、輒冠一邑、遊學豫章書院、尤以文宗先正為巡撫、陳宏謀所賞、他試作馳騁經史、自鑄偉詞、有劉子壯、李來泰之風、學使每刊之試牘、以行詩初學、長慶體、晚更出入高岑諸家、終歲貢生、年五十八、以母喪、哀毀致疾、卒、知府李昌昱愛其詩、欲訪錄其遺稿、不可得、每為惋惜云。墓誌



楊崢、字登及、性行樸謹、業貿遷、喜交文士、遇人緩急、亦未嘗恡於財、少喪母、養繼母不怠、弟歿、撫從子如所生、鄉族稱之、崢子孫及從子、俱為諸生。墓誌



陳章士、守貧敦義、臨財不苟、與經歷胡錫章子元修交、死生不負、知府潘瓏旌其閭、曰義重還金、以上鄧志

善士

宦業



楊有涵、字能蓄、號養齋、錫紱次子、乾隆辛酉、與兄有濟從兄有法、同舉於鄉、壬申中會魁、授戶部主事、轉員外郎、中、先後丁內外艱、哀毀骨立、喪葬一衷、禮制、服闋、補

甯

宦業

書

戶部湖廣司郎中、監督寶泉局、管通州坐糧廳、出知雲南順甯府、在戶曹垂三十年、勤慎如一日、老吏不能欺

以私、及知順甯地、控緬甸、却土司餽遺、禁開採銀苗、鎮

靜撫綏邊境、以甯護迤西道篆、督催銅鉛、無停滯、短少

之患、壬寅遷雲南通省鹽法道、凡提前轉運、請薪納課、經畫靡不周、又自捐廉俸、以添腳價、請派弁兵、以堵川

私、滇鹽得以暢銷、值制府清查鹽課、將按積欠、叅追、因極力陳請、願代所部籌補全完、其慎重公帑、保全屬吏

遠香亭詩鈔

有如此時霑益州奸回馬登雲糾集黨羽抗不領食官鹽有涵設法使其黨自行縛獻由是遠近無不食官鹽者性好樂育人材倡同官捐金以資書院膏火課藝為親定甲乙復以敦行勤學為訓故得舉者多文行兼優之士辛亥引疾歸歸即倡修清邑文廟大成殿復其舊觀優游林下偕諸弟姪輩詩酒唱和敘天倫之樂校刊錫紱奏疏遺藁自定天香閣制藝遠香亭詩鈔其制藝出入天崇諸大家詩亦追蹤盛唐而五律尤工卒時年七十四參採新淦劉世林錢塘費淳先後撰墓志以下新增

官業

楊錫綬字紫章號蓮湖錫紱從弟乾隆辛酉選拔克貢

甲子中副車任廣昌教諭載酒問字者戶外屢常滿保薦遷湖南宜章令尙寬靜去苛煩政平而訟理甫三載望議去民為建生祠後因會計任內錢穀復至其地爭醜酒米進問起居錫紱口占答之曰三載勞勞愧不才重來踏破舊蒼苔宜陽父老如相問贏得清風兩袖回邑令鄧廷輯嘗聘修清江志郡守姚任道延為蕭江山長錫綬體貌頎秀襟懷夷曠喜吟詩如樹腹含泥生嫩蘼山腰著杖洩新泉雖派近四靈實未經人道語書法十七帖晚年家無儋石怡然不以屑意年八十六卒參採家傳及自壽文

文苑

黃岱宗字東伯號泰巖騶應長子黃氏得宜都魏聽之

傳世治古文騶應文雅健閱深於韓愈為近岱宗則絳次清峭有如宗元至其醇實樸茂處又宛然南豐輩也年三十餘即以經學教授里中游其門者前後累數百學者稱泰巖先生以副榜入貢候選直隸州州判乾隆歲戊戌邑令鄧廷輯聘修縣志以老病辭逾二載卒年七十一 本家傳

官業

黃世儀字五山號心一東里人乾隆己卯舉於鄉辛丑試身言分發四川以知縣用假令保縣縣屬蒲溪十寨僅三百戶歲苦雜谷同知差徭戶日以耗世儀目擊民艱具牒請免言之痛切上官為動容立與革除民始獲息性木強在川十餘年歷署州縣終不得即真以卒 本家傳

官業



劉輔世字德升號願齋沂子也少從漕帥楊錫紱遊造詣日以深乾隆癸酉以諸生膺選拔考補鑲白旗教習

期滿選彭澤教諭甫二載呈議去彭澤人士惜之為載入縣志名宦傳自彭澤歸家愈貧而講誦不輟課三弟

皆補博士弟子有聲庠序間其生平律已正訓徒嚴里中經指授者成就不一人楊撫軍懋恬其尤著也乾隆

戊戌與修縣志凡三修其家乘頻葺祖祠率族人置學田以膳子孫卒年八十有藜照堂詩集楊觀察有涵為

之序與所遺經義文皆藏於家 楊懋恬撰傳

楊映涵字青修號蘊齋鑣長子幼岐嶷不與羣兒徵逐

藜照堂詩集

孝友

儒林

長尤篤志於學、屢困場屋、俛得而復失、居心渾厚、粥粥若無能、而處已接物、悉本真誠、懷抱經濟、未獲所試、惟郡守李昌昱、遷縣學、嘗竭力贊成之、邑令鄧廷輯、修縣志、為勸輸以集費、採訪以徵實、復偕邑人山東候補直隸州同洪文炳等、經理出納、絲粟必謹、故志稱完善、而用無冗濫、晚年倍殷孺慕、治鑿葬、擗踊哭泣、如初喪、與弟友愛、終身無間言、自奉儉約、雖家門日盛、不異窮諸生、時以子壽楠貴、封如其官、卒年七十、新淦劉世林撰墓志

△錢時雍、字寄圃、號虎川、城北人、十歲能作擘窠書、精繪事、十八冠童子試、入邑庠、於書無不觀、郡守李昌昱贈

寄圃詩集

宦業

句云、博聞頗似劉原甫、造詣還如范德機、論者以為實、乾隆戊戌、與修邑志、分門別類、具有條理、徵考賅博、號稱完善、雖纂輯不一人、而時雍力為多、復為廬陵盧令聘修廬陵志、邑人楊殿梓、令光山、聘修光山志、補脩所入、悉以購書、積卷至數萬、有疑問來質者、覲舉以應、咸得解而去、時雍內行修飭、教人以敦行立品為先、以積餼入貢、授泰和縣訓導、模範諸生、表彰節孝、士論宗之、不數載、致仕歸、逾年卒、年七十九、詩文皆融貫古今、不拘一格、所著集名甚夥、後嗣貧困、惟詩得錢版以行、採楊懋恬撰墓志及本家傳

△楊壽楠、字蓮植、號培山、映涵子、少事楊錫紱於淮上、得

所學乾隆乙酉舉於鄉已丑成進士以二甲第二人改庶吉士習國書散館授編修累官江南道御史掌雲南京畿等道御史戶科給事中前後巡視北城西城京察績最出知江南松江府陝西分巡延榆綏兵備道壽楠在詞垣十餘年嘗克武英殿纂修校理三通四庫等館讐勘無少暇同館疑義多就取決甲午典試貴州庚子分校順天取士稱得人在臺諫時順天癸卯鄉試同考中有南人而貫北籍者當庚子鄉試嘗獨閱中皿卷壽楠請

敕主考內監試此次改撥八旗奉天試卷給閱以杜外間揣摩下部議南北籍均應迴避者停其分考著爲令其他

條奏悉中窾要比守松江財賦甲東南訟牘多塵積爲嚴勾稽棍姦冒由是庾無耗蠹案無延滯尤以培養人才爲急剏建雲間書院凡脯脩膏火皆籌其經費使長久可繼又察七屬學宮庠圯失修者次第捐廉新之郡舊有方正學祠久頽廢壽楠訪諸故老清復舊址重建新祠立祭田以修時祀三護上海道兼推海關嚴譏姦匪禁牙儉挾持舶貨課裕而商悅歲旱江南北米值昂壽楠爲設法招徠商販減其科則運米者連檣至價頓平民食以裕

王師平臺餉運由吳淞出海親宿江干調集挽運民不擾而餽無誤迨凱旋適調署蘇州出侍供張入判案牘若無

事者以治行尤異兼敘軍功奉

命分巡陝西延榆綏道榆西地接河套外藩碁列壽楠按營屯嚴斥堠撫綏具合機宜問民疾苦請大府奏蠲逋賦民賴以蘇提調秋闈規處得士心以父憂去職服既闋陳情養母逾三載卒於家年五十六壽楠風度端凝學行純粹自以愛

主知任職無不盡家居孝友廉俸所入分贍三黨縣學大成殿圯力倡同邑好義數人出貲重建躬自董理堅鞏倍於昔爲文章稟經酌雅矩範先民詩醇古深秀同館推爲風雅中聲書近顏平原而參以二王筆法有詩文集若干卷藏家待梓

南豐劉斌撰墓志

官業

楊殿梓字睿林號琴齋永泰鎮人乾隆乙酉以諸生膺選拔父病不赴

廷試戊子舉於鄉辛卯成進士壬寅謁選河南光山令民俗好鬥而輕犯法下車懲尤桀黠者聽訟務得其平更爲講約作勸民詩俗遂變乙巳二麥失收夏不雨富民閉糴因作勸糴詩讀者感悟咸出其粟旱不爲害先是殿梓嘗與修清江志胡司寇季堂見而善之屬修光山志是年冬邑人復爲請乃開館蒐葺親總其成體例一如清江戊申書成引疾歸殿梓篤內行撫孤姪若子葬同堂七喪工經藝爲諸生卽教授里中成就不一人及光山歸宦橐蕭然仍以授徒自給後手足不仁致不免

琴齋詩集

宦業

饑寒年六十五卒有詩集八卷鹽政曾燠為選入江西詩徵新詮劉世林撰墓表

△楊懋珩字纘甫號桐石錫紱孫少穎悟讀書數行下雙眸炯然矚日不瞬十七通經史二十一中庚寅鄉試明年成進士人多目以鼎魁及唱臚以二甲歸班甲午開四庫全書館入克總校官書成當議敘編修有先事尼之者乃仍赴吏部謁選得江南桃源令論治河為大學士阿桂所賞調繁長洲黜華崇儉檄判他邑刑獄多所平反撫軍深相倚仗將薦擢以憂歸服闋補廣西平樂令會安南黎阮二藩先後叩關儲侍供張咄叱立辦制府方擬優敘適為隣境事累牽連落職九江擢使阿林

傳 著者 詩鈔 堂

保迎至其署主棧奏閱數載歸卒於家懋珩天才秀逸詩文雜作皆可傳誦書法蒼勁幾與蘇黃抗行既不得翔步清華卽輾轉一令而猶不終其位士論惜之滿洲阿林保撰墓誌

宦業

△楊世銳字彥修號碧潭永泰市澣溪人幼孤力學事母以孝聞登乾隆癸卯鄉書丁未成進士嘉慶丁巳選湖北長樂知縣戊午上事時教匪甫平兵燹之後學宮蕩毀井里蕭條世銳為勞來安集民多復業重建學宮規制宏壯士氣益振以迴避座主改調安徽歙縣歙故殷富世銳處膏脂不能自潤轉毀其家遭疾告歸病痊補原任引見調廣西永瀋斷獄無畱滯攝百色同知未

上卒 本家傳

△朱光字良弼號夢亭塘前村人秉性專一既為諸生
 惟研窮經義寒暑饑渴皆相忘而不知故為文思深力
 厚直登陳章之堂而躋其闕嘗兩中副車垂五十而名
 猶未解乾隆歲戊申會大理卿趙佑來主鄉試甄錄極
 一時之選光字始得衷然而首舉文既出傳誦遍天下
 試禮部不第以大挑二等銓授石城縣教諭始至之日
 值莠民不靖進見之士有為光字危者光字毅然曰吾
 已辦坐明倫堂以待矣諸生讀聖賢書宜有定見而乃
 為我危耶事平人以是重之有以文來質者光字誘誨
 不倦多所成就而未嘗少責其脯脩丁母憂歸老不復
 能教授遂無以具饘粥諸故舊門人為贖金以養卒而
 舉所醮者葬之同歲生黃郁章表其阡黃郁章撰墓表

△楊賡謨字周範號恕堂永泰人為諸生有聲七薦鄉試
 不售同時流輩多通顯賡謨獨連蹇前後郡守重其文
 行延主蕭江講席十餘年與修縣志年六十一卒本家傳

△呂之桂字攀先橫勝上人節婦聶氏子也生有至性甫
 晬失怙事母謹母死在殯隣夜失火囑妻攜子出已守
 柩不去見延燒及室撫柩長號忽大雨如注火頓熄柩
 得無恙咸以為誠孝之感子字賈武寧從張望遊著有
 賈餘詩文正續集八卷武寧李元芳撰傳

文苑

關敏文字鈍夫號雪厓黟溪人舉嘉慶庚申鄉試第一
江南檀琴評其文以為渾灑流轉有歸有光之風云
曾鴻翥撰墓志

附載

孝友二

黃思彰家貧歲饑父寢疾殆甚思彰割股為饌以進

人

疾良已教諭趙與縉為之傳

康熙開

△

黃盛文隨父業醫父客豐城病劇密烹股肉療之盛

文旋病卒葬鄭家山人稱黃孝子墓

乾隆年

按孝為庸行毀傷肢體本令甲所禁然一節之

奇出至誠而為人所難亦可愧夫為人子而不謹

於侍疾嘗藥者故附錄之

聶淑儒職員湛溪人嘉慶十七年九十六歲五世同

堂

敕賜黃耆繁衍匾額二十一年百歲

敕賜昇平人瑞建坊

陳欽蘭監生東村人道光三年八十六歲五世同堂

按百歲為人瑞因志未立祥異門故凡年至百歲

及五世同堂者男附人物傳後女入列女傳中

右國朝人物鄧志載三十六人附傳三人又附

載二人新補一人增十五人附傳一人附載二人

合六十人

方伎 仙釋附

壽民
百有
百有
百有
百有

身松

方伎之來舊矣。倉公扁鵲洞見隔垣。般之鳶。宜僚之丸。飯可蜂而酒能滅火。其或飛錫渡江。燒丹煮月。雖與儒家異教。究亦各自成家。不可磨滅也。撰方伎列志。

○方伎楊筠松 ○楊季衡劉夢良 ○湯正仲弟叔用 ○牧樵子

○潘雲谷周存義 ○鄒子震 ○陳敬止 ○李漢儀

○陳恩 ○范雲錦 ○敖雲躍 饒兆開

仙葛元 丁令威 許遜 吳猛

王朔 黃仙姑 孫智諒 謝仲初

葛長庚 楊介如 杜行正 石珍

晏戊仔 張九淵周玉濂

釋善周 善暹 海印 半閑

空碧 克文

唐

楊筠松別號救貧。有仙術。嘗為慧力寺卜向。瘞錢於土。以為證。後其弟子司馬頭陀復至。仍定向。以竹枝插之。適中錢孔中。枝遂生花。人咸以為瑞云。秦志

宋

楊季衡。无咎諸子。畫墨梅。得家法。又能作水墨翎毛。同時有劉夢良。亦无咎鄉里。親黨俱寫墨梅。圖繪寶鑑

湯正仲。字叔雅。无咎之甥。後居黃巖。號閑庵。開禧年貴。仕善畫梅竹松石。清雅如傅粉之色。水仙蘭亦佳。大抵

宗无咎而别出新意弟叔用亦工墨梅同上

元

牧樵子失其名氏清江之隱者也寫花卉翎毛活動如生傳神之筆如化工且得相人之妙崇仁吳澄嘗跋之曰宋代經學公是先生爲天下第一南渡後作古文良齋先生爲天下第一如逃禪翁之梅亦然更數十年牧樵子花木當與逃禪翁梅同價何清江才人之多與吳澄集

潘雲谷居臨江郡城製墨爲時第一嘗再至燕都縉紳之士揄揚其藝咸贈以言比於宋之潘谷同邑周存義得其傳其製尤精存義本儒生溫然以恭粹然以和其

異於人又不徒一藝而已梁寅嘗贈之序石門集

鄒子震號雲隱父伯恭爲衛軍百戶子震獨慕高尚好遨遊山水閒於榮利漠然不以動其中洞究陰陽形家諸書閒爲人相墳壟卜第宅於吉凶休咎灼乎如鑑之明卓乎如臬之定日影不可以移易梁寅稱其恬於勢利妙於術而非拘拘於術者同上

明

陳敬止嗜學能文尤工於畫鳥獸魚蟲之情性山水之變態莫不精究爲人傳真尤得其神爲人弱不勝衣於勢利進趨淡如也士大夫莫不重之金川玉屑集

李漢儀嘉靖間諸生也博學工詩文精於醫理內經諸

書咸究其旨、遊足遍海內、嘗北至京師、公卿交禮致之、然必以醫往、於榮利漠無所干、倦遊而歸、鑿石得泉、結精舍、讀易其中、自號石泉子、嘗以醫書多古奧、世之醫者、或懵或鑿、多至誤用、因著醫畧正誤二卷、抉摘瑕璽、發前人所未發、其正發熱之誤、尤爲精覈、放英序而行之、心遠堂文集

陳恩字上寵、建安鄉人、父良琢、年百歲、恩幼穎異、於書無所不讀、精於醫、疹疾輒效、有售贈者、雖富貴不受、曰吾非利此而爲之也、嘉靖癸亥、武定土酋作亂、詔以蕭鳴邦備兵雲南討之、鳴邦便道里門、恩爲疏數方、備軍中急需、已而易門蠻獠入寇、流劫南土、督帥聞恩名、移檄招致幕府、恩辭不赴、且報之曰、山箐竹峒、炎荒瘴毒、彼有險足據、而我軍水土不習、知時而進、擇地而趨、此兵家勝算也、爲疏却瘴諸方、及攻勦方略、以應、未幾寇平、具上始末於朝、詔賜冠服、鈔帛、知府謝鵬舉、陳選、管大勲、後先強恩爲醫學正科、亦力辭不就、恩性謙謹、每歲活人無算、夕必焚香、疏所爲以矢於天、終父母喪、恩年已七十、遂自作生壙待老、享高壽而終、自得堂集

國朝

范雲錦、城南人、工着色畫、花卉翎毛、彷彿如趙昌、尤善寫真、不特神采如生、并其人之性情亦出、歿數十年、有得其片楮者、如獲拱璧然、

敖雲躍字翔高、港東人、世業醫、至雲躍而治之益精、凡他人所眇爲不治者、雲躍多應手痊、次爲醫案、累數百人、嘗例受散官、每以未究儒業爲恨、延師課子、訓督綦嚴、二子一孫皆入膠庠、其識見尤非尋常伎術之所及、家傳

饒兆開、永泰人性夷曠、多涉藝事、撫琴度曲、無不入妙、尤精於奕、遊黔楚數十年、所至與人奕、罕有能勝之者、及歸、遠近善奕者多造廬相訪、雖素稱高手、猶必得讓二子始能對局云

仙釋

附

三國吳

葛元字孝先、家本瑯琊、年十八九歲、仙道漸成、乃遨遊山海、周旋於括蒼南嶽羅浮諸山、以下修煉金丹之地、遂迤邐經由玉笥、詣閭皂、乃登東嶽高峯而望焉、日形閤色阜、土良水清、此真仙之宅、吾金丹之地、得之矣、於是刪集靈寶經誥、撰成祭煉大法、生天寶籙、靈符秘訣等、奏聞天帝、建立法壇、每於三元八節吉日良宵、普召十方諸大地獄窮魂滯魄來詣壇前、俱受祭煉、祇承符籙、各超生界、行持後、屢有感格、遂以祭煉經法寶籙符文訣目等、付閭皂宗壇、及沖虛壇、流傳後學、又往盱江麻姑山、小有洞天、修煉鑿五井、以應五行、上應五星、至今其泉消息盈虛、以一至五、周而復始、若有度數、吳嘉

禾二年復往閤阜福地於東峯之側建庵曰卧雲築壇立竈居其中謝絕人事修煉九轉金丹時有瑞氣祥光映照山谷越三載大丹成熟遂於洞口金砂池中浴丹其泉忽然湧漲金砂騰沸葛仙曰是丹火力尙炎未可便服遂藏之東崖石室中以待醮謝天地然後服之迄今丹池之內金砂自沸靈迹可驗葛仙凡經二十二處修煉未見功效如近境有赤城長生招仙杯山麻嶺西山沖虛皆有仙壇煉丹靈迹惟於閤阜方得成就遂作流珠歌以赤烏七年八月十五日午時飛昇告行於閤阜福庭與弟子鄉朋分別於東峯之側諸送者攀戀不已爲賦五言詩三篇歌畢雲輿冉冉上昇而去真仙通鑑

鑑

晉

丁令威豫章人嘗於閤阜山修真得道今山北高峯爲丁真人壇又名丁仙峯丁七歲入山求道千年化鶴歸鄉立華表歌曰我是昔日丁令威學道千年今始歸城郭猶是人民非胡不學仙塚離離飛天仙人經

許遜字敬之西昌人晉旌陽令棄官遠遊道經清江之棖湖樂其山水幽勝遂煉丹於此植樹一株以識其處樹圍六丈陰覆一觀又嘗逐蛟至鎮拔茅封溪并殄蛇妖其他儲仙觀玉虛觀皆有真君遺跡秦志

吳猛字世雲豫章人幼時遇異人丁義精道術嘗渡江

風濤大作，猛以白羽扇畫水而渡，過清江，喜其山水之勝，建讀書堂於青龍湖雷公池之側。後人名吳堂觀。卽今隆道觀。郡西門曰望仙，以此。

同上

按安志：吳猛，新吳人，嘗仕吳爲西安令，因家焉。

王朔，方平裔，孫居栖梧山，許遜嘗過其家，授以修煉之術。遜飛昇時，遺以香茅一根，謂植之久服，甘能養肉，辛能養節，苦能養氣，鹹能養骨，滑能養膚，酸能養筋，和以苦酒，可以長生。今玉虛觀尙有遺種。土人又云：掘土可得丹椀，大小不一狀。又長史嘗遇仙女張麗英，居栖梧，歿葬於黃岡。

左編

黃仙姑，仁覽之妹也。吳猛葬母於臨江軍之新淦縣石

壁，竚立有仙墓。仙井，仙壇在焉。仁覽只妹皆在會。堊仙姑雅愛其地山水，依吳母墓修行煉丹。後白日飛昇，留丹石一片，石受丹火，歲久不冷。每提瓶水，其上，不火自湯，名爲沸石。泉井至今存焉。四方水旱疾疫，祈禱輒應。

真仙通鑑

唐

孫智諒，高安人，幼師張惠感。開元中，內殿修齋，奉詔投龍各山，泊舟江側，見異氣在東川中，疑有古蹟，遂於閣阜山掘得銅鐘一枚，重百餘斤，鐘下得玉像三身，因置

閣阜觀。

南部新書

宋

謝仲初修煉於閣阜山得道而歸過縣西見其無水拔劍刺地湧泉甘潔過江無舟以竹葉渡之後登山冉冉飛去一統志

葛長庚瓊山人性任俠嘗之武夷事陳泥丸爲道士自稱靈霍童景洞天羽人又自署白玉蟾天資敏慧丰神秀異經書一覽卽了大義自謂世間有字之書無不經目文思汪洋洒落頃刻千言書畫通神善幻好詼詭遍遊名山嘗寓閣阜山中作昊天殿記又隱菩提寺中煉丹多有題詠墨跡後遇神人授以洞元雷法能呼召風雷馘攝精魔紹定中解化賜號養素真人菩提寺今以白玉蟾遺蹟改曰隱仙寺

隱居集

楊介如字固卿豐城人開禧間隱於黃冠主清江相堂觀一日諸文士集觀中唱酬介如蓬髻垢衣坐其側句至朗吟曰酒量春吞海詩眉夜聳山坐皆驚服後入閣阜山寶慶元年年六十八卒有詩百餘篇號隱居集自志

杜行正字正甫閣阜山道士也工詩善奕尙書謝諤甚禮重之創道院於金華山麓孝宗時賜號冲隱大師吳澄集

元

石珍字安道其先石保吉之裔處厚宋高宗時以閣門宣贊舍人權發遣袁州兵馬鈐轄子孫遂居臨江珍重

交遊輕施與元初授承務郎廬饒等處哈喇赤長官因
觀釋典忽有解悟脫屣世緣肥遯家山築水心道院延
四方三教高人說空談有超然離塵界之外臨江之士
莫不稱之同上

晏戊仔清江鎮人元初爲文錦局堂長一日忽謝病歸
登舟尸解江楚間大著靈異凡禱必應明太祖與僞漢
相持於鄱湖屢瀕危險獲濟詢之爲戊仔之神命立廟
祀於金陵永樂間封平浪侯今樟樹有晏公祠七修類稿

明

張九淵周玉濂清江城北朝天宮道士也永樂五年召

赴京齋醮拜章時有青鸞白鶴臨壇翔舞上大悅賜以
璽書隆慶志

宋

善周慧力寺僧有智慧宋元祐元年十二月望沐浴淨
髮說偈曰山僧住瑞筠未嘗言一句七十三年來七十
三年去言畢而逝五日後鬚髮再生見五燈會元歸寂
之地在今城東二里善嘉橋真身現在後人因爲立塔
秦志

善暹雲門三世嗣德山遠羣稱海上橫行暹道者傳燈錄

海印慧力寺僧相傳水濱石龍蜿蜒長袤數十丈鱗甲

海江縣志 卷十六
悉具與慧力寺古刻木龍俱爲怪禪師以銅釘釘木龍
誦經運雷擊石龍一夕雷震碎之秦志

明

黃半閒慧力寺僧能詩洪武初被召至京應制賦金陵
春曉詩稱旨賜紫金襴袈裟歸其詩云五雲深鎖鳳凰
城海宇清寧且氣平錦繡山河霞彩動金銀宮闕日華
明御溝垂柳雙鶯囀官道飛花萬馬鳴試向西虹橋上
望分明遐想接蓬瀛秦志

劉空碧證真寺僧洪武初召至京試鍾山曉望詩稱旨
賞賜玉帶袈裟而歸邑人張美和贊余鐸碑記其事府志

甯

克文號雪印天寧寺僧博通經史嘗與梁石門劉山陰
彭匏庵金雪崖結爲詩社同上

右方伎仙釋秦志十一人鄧志增二十二人新增
三人合三十六人



